

1 CORINTIOS

Nacharam êsap Pabloou

Corintopienag phã deepütarr

Chi phâtarr. Pablo ich pem aawai warre comenzaa n̄we ich th̄er jaaunaa, “...muata Corinto phöbör eem iglesia ee chi ùkha durrum kh̄unag m̄ug êsap phã deepüi chirum” a sim (1:1-2). Ichd̄euta nacha Corintopienag jaauthurwi ùu amau ùkhajierram aajem.

Chijã kh̄un atheeta phãjĩ. Corintopienag iekhaagta phãjim. Mag am athee ajieb mam̄, ìchab thum “parhooba òor n̄an̄id̄umpierr maach d̄enjõ maach Pör Jesucristoog j̄eujem kh̄un atheepata” phãjim (1:2). Chi Corinto Grecia durram phöbör ajim aajem, phöbör pömaam. Mag phöbör pömaam aawai ìchab ag ee nem khaigbamjã nem kh̄irpierr oojeejim anaabá. Maguata ìchab òor pömjã deeum durrmua bëenaa durrpierramta mercanciajã kh̄irpierr paraa ajim aajem.

Mag Corinto phöbör ee judionaan khabam kh̄un̄ta ùrcha naajim aajem; mam̄ agjõ judionaanjã naajim aajem. Mag Pabloou nacha Corintopienag Cristo iek jaauthurtarr khap aju khai, Echos 18:1-21 oobá.

Khan jawaag ajĩ. Pabloou m̄ug carta phãawai am d̄üi ooba d̄ürr̄ü s̄iejim aajem. Mag n̄um eeta aarmua Cloe aigum kh̄un̄ bëewi makh̄un̄au mamaam kh̄un̄ amach eepai khaigba n̄um irig jaauch̄ejim aajem (1:11). Amach mag naawaita amach garmuajã Pabloog êsap deepüijim anaabá,

amach ee mag problema pöm thunnarr aawai mag carta gaai irig amau jãga aju aai naajĩ a khap jëwaag. Magbaawaita Pabloou mug nacharam carta Corintopienag deepüijim aajem. Mamu nacha Cloe aiguum khunnau ichig jaauchëtarr igwi am wawí sim (caps. 1-6); maimua cap. 7 aigmua atagta mag amach garmua ësap deepütarr gaai jëeu narr jawaag phäjim.

Salud

¹ Mun Pabloou, maach Pör Jesucristo iek jaaujem khamkhĩir ich Ĕwandamaucha jur autarr. Cristo gaaimua maach khodam Sóstenes düimua ² mug ësap phã deepüi chirum, pãar jam Corinto phöbör eem iglesia ee Ĕwandam iek ükha num gaaimua maach khodkhanaa ar Cristo gaaimua sĩi äba i atheepai wënnerrumua i phöbörkha num khunnag, maimua mag tag ar parhooba amach nunnidumpierr maach dënjö maach Pör Jesucristoog jëeujem khunnagjã agjö khap amkhĩirta mug ësap phã deepüi chirum. ³ Muan maach Aai Ĕwandamagjã jëeunaa maach Pör Jesucristoogjã jëeu chiraaajem, pãar üu wai num düi ichab khõinaa wai wënnerramkhĩir.

Jesucristo gaaimua Ĕwandamau maach düi üu anam

⁴ Muan jëeub khaba ich mag Ĕwandamag üu ajim a chitaajem pãar kõit. Jãg Jesucristo gaaimua Ĕwandamau pãach üu wai sim paarjã ichab mua üu ajim aajem. ⁵ Ich jãg Jesucristo gaaimuata Ĕwandamau üu ich iek jaau khaug apiwia khĩirjug

pömjã deebarm aig, pãrag phatkhon pömta deebarm khãaijã üchata ajim pãar dãi. ⁶ Mag deebarmua Cristoou maach peerdu aajem a pãrag jaau chirarrjã chadcha mæhdëu jaautarrjõ abarm pãar dãi. ⁷ Mag gaaimua ïchab pãrau mug jëb gaai maach pör Jesucristo bëeju nã nam orajã nem khïrpierr Êwandamau waupiju ayaam nem wawaag ichdëucha ag jua theegjã thum deetarr aawai tag deelum jua theeg igba nam. ⁸ Mag maach Pör Jesucristo bëem ed ni ãbmujã pãachdëu nem khaigba wautarr igwia pãach khïr iekham ugua, ich mag Êwandamauta pãar ich dãi ubu phë wai nãrraju. ⁹ Êwandamau ichdëu nem magju a iekhatarran, bãurjã sëukhaba chadcha ich mag nem wau sierrum. Êwandam mag sierrumuata pãar thürkha aujim, ich Iewaa anaa maach Pör Jesucristo dãita ogduba wënnãramkhïr.

Õor amach iglesia eepai sï pappierr thunnmjõ thunnarr

¹⁰ Khodamnaan, muan pãragan maach Pör Jesucristoou apiejemjõ ihãbata abat a chirum, sï jãg dich iglesia eepaijã pappierr thunnmjõ khaba. Magju khãai khajapha khõinaa numua khïrjug ãbata aajeethã. ¹¹ Khodamnaan, mua pãrag mag chirumun, mau maach khodam Cloe aigum khunnau murg jaaucheewai mag pãar khõinaajã khaba jïrr chikham ipeer ahau aajem anaawaita mag chirum. ¹² Am iek mag pãar ee ãaur khunnau, “Munn Pablo dënëu” aajem anum; wa “Munn Apolos dënëu” abaawai, jïrr ãbmua “Munn Pedro dënëu”; wa magbam khai tagam khunnau jïrr,

“Maran Cristo dēnēugui” aajem anam mua mau-mua ūurwai. ¹³ Pārau oowai, ¿Cristo nem thoophem khapanta sī mag iekhaag? ¿Wa m̄uch cha pārag iekha chir̄umta pāar kōit pakuls gaai meerphē thōjīwa? Wa magbam khai pāar p̄or choowai, ¿pāar m̄ th̄ur gaaita p̄or choojierrá? ¹⁴ Jāgju khaph̄umjō ūuchata jāg pāar eem kh̄un mua khapan p̄or choobajim. Āba mua p̄or chootarr kh̄unan, Crispo Gayo dāipaita mua p̄or choojim. ¹⁵ Magtarr aawai ni ābmuajā m̄ th̄ur gaaita p̄or choojim aju khaba sim. ¹⁶ (Āaa, maimua ĩchab mua p̄or chootarran, Estēfan̄as di aiguim kh̄unjā mua p̄or choojim. Maimua mag tag mua ñor p̄or chootarr khai, kh̄ir ee paba chir̄um.) ¹⁷ Mag n̄m dūi ñor p̄or choomkh̄irjā Cristoou m̄ p̄uibajim. Irua m̄ p̄ūtarran, sī ichdēu ñor peerd̄u aajem iek jaaumkh̄irta m̄ p̄ijim. Mag jaau chit̄umjā, mam̄ m̄uchdēu jaau khaph̄u chir̄um awia sī thethemnaanau iekhaajemjō iekhamamuajā jaubajim, eeu magba akhiin ñor jūgdaar ūrim̄ iekhabaadeewai warag pakuls gaai Cristo meerphē thōotarr iekta igba m̄uchta thō iekham ugua awia.

Cristota Ēwandam jua theeg anaa i kh̄irjugau

¹⁸ Jesucristo pakuls gaai meerphē thōotarr ag iek jaau n̄m̄n, ar m̄ug jēb gaaiwe okhoo n̄m kh̄unau ūurwai, sī parhooba kh̄ir lōkōom kh̄unau nem jaau n̄mjōta ūurjerram. Mam̄ mag sim j̄urr ya m̄ug maach ūu peerd̄awi n̄m kh̄unagan, wajapcharan maachigma, maachigan maata ante warag Ēwandam jua theegau. ¹⁹ Ich mag iek igwia Ēwandamau ich

iekhamam phãpitarr gaai jaauwai, Ëwandamau ich igwi,

“Õor amach khĩirjugpai thõwia m̃uch igba aajem kh̃uñjã warag khĩirjug chukhumjõ ap̃uinaa id̃eu ich p̃or õph̃ergau khĩirjug p̃õm s̃iewiajã igba warag mua am khĩirjug isegp̃uimaju” a iekhamajim ich Ëwandamau. (Is. 29:14)

20 Magtarr aawai khan wajaug s̃i ar amachta chi khaph̃um khaph̃um aajem kh̃uñ khĩirjug wa chi machnaan khĩirjug kh̃ãijã, maimua khan wajaug s̃i ar s̃i amach khĩirjug jawaag s̃i parhoobam nem ig iỹu ñumua amach khapeen khĩupaa s̃isiu aajem kh̃uñ khĩirjug. M̃ug j̃eb gaai õor khĩirjug khaug s̃isid̃am kh̃uñ khĩirjug Ëwandamau ichd̃eu õor peerd̃u aajem iek d̃ui oowain, s̃i b̃uurjã serbiibamjõta s̃isid̃am, m̃ug̃um khĩirjugau i aar õor barpieg irig chan b̃uurjã maad̃eu nem igba s̃isid̃a aawai. 21 Wajapcharan Ëwandamau õrau amach khĩirjugaupai chan ich khaugbaju khaph̃u s̃ierr aawai ich iek jaau ñum ùkha ñum gaaimuata õor peerd̃u aajem. Amau amach khĩirjugta wajaug thõwi j̃urr Ëwandam iekta serbiibag pheejeeb mam̃u, mag amau serbiibag ph̃e ñum ùkha ñumuata Ëwandamau õor peerd̃u aajem.

22 Judionaanaun s̃i amach dakhĩir ag na õrau nem ooba aajemta amach dakhĩir waupim khõchkha th̃uñum; pari mag wauba aawaita mag maach peerd̃uajem iek jaauwaijã ùkhaba th̃uñum. Maagwai j̃urr griegonaanau warag nem thum khaph̃um aajem kh̃uñ iek ùrm khõchgauta amachig maach peerd̃uajem iekdam jaauwaijã ùkhaba th̃uñum. 23 Mam̃u maraun ãba

õrau Cristo pakuls gaai meerphë thõotarr iekta jaau wënurrum. Mam̃ mag iek judionaanau ũurwain, amagan amau khĩirjuawai Cristo ajim anaawai meeju khaba sierr meetarr aawaita marau i iek jaau wënurrum ũurwajã s̃i chad khabamjõta ũurjem. Maimua jũrr judionaan khabam khũnau ũurwai, amagan maar s̃i serbiiba khithëem khũnau nem jaau numjõta sim. ²⁴ Mam̃ par amau mag naawiajã, judionaanau wa judionaan khabam khũnau awiajã ar ich Ëwandamaucha thür autarr khũnagan mag Cristo cha marau jaau wënurrumta ich Ëwandam jua theegau, aguata õor peerdu aaujeewai. Mag Cristo meebarmua maach peerdujuuta Ëwandamau ag nawe khĩirju wai sierr aawai cha marau jaau numjã chadcha ich Ëwandam khĩirjugta jaau naabahab. ²⁵ Wajapcharan mag Ëwandam khĩirjug anumjã s̃i serbiiba khithëem khĩirjugjõ simta õor khĩirjug chi wajapham anum khãaijã chi wajapcharamu. Wajapcharan mag Cristo Ëwandam jua theeg anumta serbiibamjõ uduaraa ich thõopibarmua jũrr mug jëb gayam khũn jua theeg khãaijã nem jua theeg ũrpai s̃isijim.

²⁶ Ëwandam gaaimua khodamnaa, pãrau khaphu num, pãar eem khũn chadcha pãach khapeen mug jëb gayam khũn daarjã khĩirjug athee chi machnaan chan khapanjã khaba, ikhõtõota durrum dãi chi thierrnaanjã wajappai chukhu, ni s̃i bigaaum khũnau thõ iyũ aajem khũnjã chukhum. Pari mag serbiibamjõ durrab mam̃, pãarta Ëwandamau igjim. ²⁷ Wajapcharan khĩirjug meraam khũnta Ëwandamau jũr aujim,

jürr mug jëb gaaim khïirjug athee chi machnaan anum khunta jüurwia am khïir naaupieg. Maimua sïi serbiibamjô sïsidam khunta jür aujim agjô ich Êwandamau, jürr makhun gaaimua chi jua thierrnaan anum khunta khïir naaupieg. ²⁸ Mag büürjã nem igba sïsidam khunta ôrau kha isëe aajem khun düi jür aujim, wajakcharan mug eegarpai aawain ar sïi pasurjôpai khithëem khunma, makhunau jürr nem wajaphamjô sïsidam khunta isegpüiwia am khãaijã wajakcha aag. ²⁹ Magtarr aawai ni iwiir äbmujã ich khïirjug khaug chirum awia Êwandam na ich thö iekhaju aai khaba sim. ³⁰ Maimua päachin chadau ich Êwandamauchata päar Jesucristo bü ogduba phë wai sïebma. Ich mag Cristo gaaimuata ïchab maadëu Êwandam khïirjug wai num; i gaaimuata ya peerduwia sïi pekau chukhu arrjô num; i gaaimua ïchab Êwandam iek ükha numua warag bãau wëtum; ich Jesucristo gaaimuata Êwandamau maach pë autarrjô naawai i dënkha num; mag i dënkha naawai äba ichigpaita jëeupiejem. ³¹ Maguata ïchab Êwandam iek phã sim gaai jaau simjô,
 “Äbmua khãijã wir aig ichpai thö iekhaju khïirju sim khai,
 warag maach Pör Êwandamta thö iekhaju aai sim.”
(Jr. 9:23-24)

2

Ôrau pakuls gaai meerphë thöotarr iek

¹ Khodamnaan, ar mua päar oon mawia pärag Êwandam iek jaau chiraawai mua päar jüg daar

sīi khīirjug khaug athee chi machnaan dēnjō ūrihmujā iekhaba, ni amau jaau wēnerrajem iekjā khabata mua pārag jaaujim. ² Jāg m̄ pāar ee chiraawai mua chan deeum nem jaaujujā khīirjuba, āba Jesucristota warag wajaпча khap apim ig chirajim. Wajapcharan chadcha i pakuls gaai meerphē thōotarr iekta pāar athee wajaпча sim khaph̄ chiraawai warag aata pārag wajaпча khap apiju ēkha chirajim. ³ Pārau khaph̄ naabá, jāga pāar ee m̄ chiraimajī. M̄chdēu jaau chir̄m pārau ūkhabaju khāijā khīirjuwia, kha thūumjōnaa jāphierr th̄nm̄jōta chir̄mua m̄ kha duui th̄naajim. ⁴ Maimua mag chir̄mua ya Ēwandam iek jaaubaadeewaijā, m̄chdēu jaau chir̄m iek ūkhap̄i aum khōchgau awia mua pāar jūg daar sīi chi machnaanau iekhaajemjō iekhamamuajā jaaubajim. Mag iekhaju khāai sīi mua pārag chaainagamjōpai iekhaajeejim. Mam̄ mag iek pārau ūkhatarrjā sīi m̄chdēupaita pārag ūkhap̄iba, ich Ēwandam Akhaar jua theegauta pārag ūkhap̄ijim, ⁵ sīi m̄g jēb gayam kh̄un khīirjug gaai khaba, āba ich Ēwandam jua theeg gaaipaita ich mag ogd̄ba ūkha wēnerramkhīir.

Ich Akhaar gaaimuata Ēwandamau maachig ich khaugpi sim

⁶ Magarrau ya ar amachdēu ūkha n̄m iek gaai ub̄naa ogd̄ba n̄m kh̄unag iekhaawain chadau khīirjug athee chi machnaanau iekhaajemjō iekhamamuata amagjā iekhaajem ĩchab. Mam̄ mag iekhamamjā mag sīi m̄g jēb gaaim kh̄un khīirjugan jōpcha chugpa chugpa sierr̄m aawai, maḡm khīirjugjā khaba, ni m̄g durr

gobernaajem khun khĩirjugaujã khabata jaaujem. ⁷ Mag khĩirjug mua jaau chiraman ich Êwandamaucha dee simu. Maguata mug durr thum ompaaju nawe ich sim aar maach auju khĩirjutarrjã maachig khaphu apiejem. Īsin mag khaphu nam, mamu warrgar chan mag khaphu apiju simta thum meer wai simjõ s̃ejim. ⁸ Ich Êwandamau mag Cristo gaaimua õor ich aar auju ayaa apiju a sim chan s̃i mug jẽb gaaim thethemnaanau pöd khĩirju aubajierram. Amau magum khaphu arr akhiin, maach Põr Jesucristo ugtharmua bẽetarrta amach paarmua pakuls gaai jãg i meerphẽ thõopibakham. ⁹ Mamu makhunaupaijã khaba, ewag pawiajã ich Êwandamau nem wau sim ni ãbmuajã khaugbaju khapta, ich iek gaai mug phãpijim:

“Êwandamau ich khõsi wai nam khunag deeg phẽ wai simun,
ni iwiir ãbmuajã ooba, ni ũrjã ũrba, ni ãbmuajã auju khĩirjuba sim nemta amag deeg wai sim.”
(Is. 64:4)

¹⁰ Êwandamau ich Akhaar gaaimuata mag maach athee nem wai simjã thum maachig khaphu api sim. Ich mag Akharauta ĩchab ich Êwandamau ich thãar eepai nem khaphu wai simjã kha-japham nem khogreu jarmamjõ thumaa khaphu apiejem. ¹¹ Khaıu chikham khĩirjug khaphu aajẽ. Āba ichdẽupai khabam chan khaugbam. Ich jãgta s̃iebahab Êwandamjã agjõ: Āba ich Akharapai khabam chan pöd i khĩirjug khaugbam. ¹² Maachdẽu Cristo iek ukhaawai chan s̃i mug jẽb gayam khĩirjug parhoobam khunau jaaujemta

aubajim. Maachdëun ich Ëwandamau maach dëi nem wajapha wau simjã thum khaug aumamkhïr ich Akhaar deetarra wai n̄m. ¹³ Mag marau pãrag nem jaau n̄m chan s̄i m̄ug jëb gayam kh̄n̄nau jaaujem kh̄irjugpai khaba, ich Ëwandam Akharau maachig jaaumamta jÿrr pãrag jaau n̄m. Magta pãraujã ïchab Ëwandam Akhaarta wai naawai agjö ich Ëwandam Akharau jaupi simta maraujã pãrag jaau n̄m.

¹⁴ Mam̄ ar chi Ëwandam Akhaar ich thãar ee chukhu sim kh̄n̄n̄u chan pöd Ëwandam Akharau nem jaau sim khaugbam. Mag simua Ëwandam Akharau nem jaupi sim ùurwain, s̄i nem parhooba lököo jaau n̄mjöta ùurjem. Mag simua chan, s̄i ich Ëwandam Akharaupaita khaugpiejeewai, pöd ich kh̄iraupai chan khaugbam. ¹⁵ Mam̄ chi Ëwandam Akhaar wai simuan chadau jÿrr kh̄irjug wai sim, ich Ëwandamau nem waupi sim ajapha khaphanaata agpierr nem wawaag. Mag sim ich chan jÿrr Ëwandam Akhaar chukhum kh̄n̄n̄u i igwia, “Jãan s̄i parta jãg iekha n̄rraajem” aju khaba n̄m, Ëwandam Akhaar chukhum gaaimua amau jaauju khaugba naawai. ¹⁶ Ëwandam iek phã sim gaai ag iek igwia,

“Khaíu maach Ëwandam kh̄irjug thum khap abarju. Khaíuta i khãaijã khapcha sim awia jÿrr ich gar-mua irig jaauju aai s̄i” a phã sim. *(Is.*

40:13)

Chadcha äbmujã mag i kh̄irjug thum khaugba s̄ieb mam̄, maach i Akhaar wai n̄m kh̄n̄nagan

chadau ich Cristoouchata khaphu api sim, jãga wënnrraju aai nu i dau na.

3

Cristo phidag gaai ãba phidkha num

¹ Cristo gaaimua khodamna, pãraun chadcha mag Êwandam Akhaar aujierrab mamu, mua pöd pãrag ya sïi Êwandam iek athee nem khaug sïsidum khunagamjõ iekhaba, agtha sïi mug jëb gayam khïrjug düi thunum khunagamjõta iekhaajeejim. Wajapcharan Cristo iek khaugaag chaainjõpai thunum khunagamjõta iekhaajeejim. ² ¿Pãrau chaain büruu aawai ooba aajë? Ewaa au khitumug nem thethem deeba sïi jüchödampaita deejemjõ, ich agjõta muajã pãrag nem jaau chirarrjã khaugju phithurg chukhu sïejim. Khaugju phithurmta mua pãrag jaautarr akhiin, pãrau pöd khaugbakhm. Ìsjã agtha phithurm nem chan pãrau pöd khaugbam, ³ sïi agtha parhoobam khunau khïrjuajem khïrjugta wai naawai. Pãarta wir aig pãach eepaijã agtha chikham nemjã pãach dën apim khõsinaa jürr chikham ipeer ahau khaphõbaadëp numun, magan agtha sïi õor parhoobam khunjõpaita num. Maguata amau nem waaujemjõ pãrauã agtha wau num. ⁴ Merag chukhu, wa äbmua “Mun Pablo dëneu” jürr magbaa äbakhái “Mun Apolos dëneugui” aadëphum; jãg num aig sïi agtha ükhaba num khun khïrjug düipai naawai khabahab.

⁵ Pari pãrau pãachdëu mag num wajapcha khïrjukhiin, khai agá Pablo. Khai agá Apolos. ¿Am Êwandam chognaan sïi i atheepai phidkha wënnrrum khun khabá? Marau jaau wënnrrum

gaaimuata pãraujã maach Pör Jesús iek ùkhajierram. Pari maar pãar khãai atchajã khaba num. Thum maach chi mug wënarrum khunnaun äba maach Pör Jesuu maachig agdaujö nem jaumarrdampaita wauwia num khabahab.

⁶ Mag Jesús iek jaau numun, muata nacha sïi khajap nemjïir chaar jïir numjö jïirbajieb. Magbaawai Apoloou jürr ag ee dö choobarmjö ajim, öbërmkhïir. Mamu mag nemjïir chaarjö öbërwia pãar ee aaidutarrjä ich Êwandamauta aaidupijim, ich iek aawai.

⁷ Wajapcha oowai, chi nacha jïirtarr khu ni chi ag ee dö choo sierrjä maadëu nem igba sïsidum. Mamu chi ich iekta nemjïir daujö öbëрпиwia aaidupiejemun ich Êwandamau.

⁸ Magua sïi i iek nacha jaauchëtarr khun awiajä sïi ag khur jaau wënarrum khun düi äba num; ni iwiir äbjä ürhu khaba sim. Mag naab mamu agdaujö dich phidkhamarrpierr Êwandamau par khabaju.

⁹ Wajapcha oowain maran sïi i juag oojem khunnu, i iekdam jaau num gaaimua ich düita khapeerkhanaa äba phidkha naawai. Maagwai pãar sïi chi phujëbjöta num. Maagwai ich Êwandamauta ag ee nemjïir jïirkhamam, pari mag nemjïiran ich iekhau. Wa magbam khai, sïi dijöta num. Pari mag di agjö ich Êwandamauta ëu arrum.

¹⁰⁻¹¹ Wajapcharan mun sïi ich Êwandamauta di ëu num khun den chi maestro khapibarmjö arr aawai muata ich Êwandam iek jaau numjä warrpem chi dibü jukhabarmjö ajim, jäga Êwandamau maach peerdu aaujë a jaau chirumua. Maagwai deeumua jürr ag ür warag ëumam, mag mua jaautarr ür warag

jaaumamua. Mamu mag mua nacha jaautarrjō khaba deeum iek jaauju khaba sīewai chi ag ūr warag jaau nam khunnaujā warre wajaphata jaauju aai nam. Mag mua chi dibūjō jukhajim a chirumun, Jesucristoou maach peerduajem iek igwiata mag chirum. ¹² Mag Jesucristo iekta chi dibūjō nacha jukha sīubarm ūrun chadau maadēu dichdēu khōchagpierr sīi khajap di ēu numjō warag i iekta jaauju aai nam. Di wajapham ēunaa da jēupiba aag khai, dipá wajaphamta phēwia, wa nem parhēphum khāijā pēr aunaa warre wajaphata ēu sīuju aai nam. Wa magba khūchpaim athee khai, sīi khōmariipai dikhēr dēn wa choobū dēn khāijā ēuju aai sim. ¹³ Mamu mag di ēwaag nem khīir pogkhe igwiajā, ya ich Cristooucha maachig jaaubarm edta khap aju, wajapha phidkhajī wa aai phidkhabajī. Mamu mag khap aagan, sīi ōtdau uu pierrumuata thūr phaa numjō ōt ee ich Ēwandamaucha phaa oomamuata maadēu nem waaujerrpierr maach chach oomamua khap apiju. ¹⁴ Maigta khap aju, khan khīirjug auwiata Ēwandam athee mag nem waujī. Ābmua di ēutarr gaaita chadcha ōtdau uu thunarrjā paba ūu āwatbapūimun, magan mag chi di ēutarr khūngjā ich Cristooujā nem wajapham deju, ich athee nem wautarr jūr. ¹⁵ Mamu mag irua di ēutarrta sīi ōtdau khierrjā āwatba uu thunuu awia pa ōbaadēmun, magan ich chi di ēutarr wounan peerduwiajā, peer ichpa phaapūitarrjō sīi ich jua pariita peerduju. Pari chi phidagan thumaa okhooju.

¹⁶ ¿Pārau khaugba nu, pāach thum āba Ēwandam

sĕjem dikha num? Magua khabahab ich Ēwandam Akhaarta pāar ee sĕjem. ¹⁷ Mag pāach thum āba Ēwandam dikha naawai ö āba numua wajapha i di wurkhabat, wajapcharan pāach morma. Magba jāg pāar ee ābmua “muan mag dēnēu” wa “muan mag igarta chirum” aadēphum aiguin, sĕi di magre- unaa chi dipá parhooba aaiphur wērppūi numjōta naabahab. Mag pāach ö āba khaba num paar chan Ēwandamau par daúpai oobaju pāar gaai.

¹⁸ Oob wir aig pāachdēupai pāach khūgurmiet. Āb khāijā pāach ee sĕi mug jēb gayam khīirjug nem khaug chirum awia ichta chi khaphum a sim khai, magan warag sĕi khaugbamjōta aju aai sim, jūrr chadcha ich Ēwandam khīirjugchata khaugaag.

¹⁹ Ēwandamagan mug jēb gaaipaim khīirjugan sĕi warag öor lökiepiejem khīirjugau. Magum khīirjug igwia Ēwandamau ich i jaaumienag phāpitarr gaai mag sim:

“Muan mug jēb gayam khīirjug khaugkham khūnjā amach khīirjug khaug gaaimuapai imeraa phithurg chukhu pær auwia khaibag ee pāaijem” a sim Ēwandamau. (*Job 5:13*)

²⁰ Ich mag iek igwiapai ĩchab ich iek phā sĕsidum gaai ich Ēwandamaupai,

“Jāg mug jēb gayam khīirjug athee chi machnaan anum khūn khīirjugjā jāg sĕi lököom khūn khīirjugkha sĕsidumun pāar Pöröun wajappa khaphu wai sĕjem” a sim Ēwandamau ich igwia. (*Sal. 94:11*)

²¹ Magua mua pārāg mag chirum: Ni ābmujā mae- stro āb khāijā ichta chi khaphum awia magugpaita

ee aju khaba sim. ¿Jãgwia? Am amach thum Ëwandamau s̃i pãrag ich i jaaumkh̃irta pãitarr kh̃un aawaima; mag sim jãga mag iwiir ābpai kh̃osi abarju. ²² Magua m̃, Apolos, Pedro, ajapcharan maach thumwe pãach d̃en khabahab; m̃g durr maimua cha maach iỹ ñmjã agj̃o m̃g atag pawiajã nem thum th̃ñmpa pãach d̃en khabahab. ²³ Mag maar pãar d̃en aawai maach thum pãachpa j̃urr Cristo d̃en khabahab. Maagwai Cristo j̃urr Ëwandam d̃en.

4

Ich Jesuucha j̃ur autarr kh̃un phidag

¹ Magua pãrau maarjã s̃i pãach ee Cristo chog-naan anaa Ëwandamau õrag ich kh̃irjug jaaupiejem kh̃unpaiu abat. Magdampai khabahab maar phidag. ² Mam̃ ich mag phidag waumkh̃ir irua j̃ur au sim wounaun chadau ich Ëwandamau oowaijã chadcha ichd̃eu phidag jaaubarmjã thumaa wajapha waumkh̃irta mag phidag deejemjã khaph̃ aju aai sim. ³ Magua m̃chjã ichab ich Ëwandamauta ich i jaaumkh̃ir j̃ur autarr aawai pãrau m̃ jaauwiajã m̃ch chan mua kh̃irjuba chit̃m. M̃ gaai mas khaba sim; ich chi m̃ j̃ur autarrauta ichd̃eu khap m̃ jaauju, m̃ ùu phidkha chir̃ wa khaigba kh̃ijã phidkha chir̃. Wa mag pãrau khabam khai, s̃i m̃g j̃eb gaai chi thethemnaanau kh̃ijã m̃ jaaukhiinjã, m̃ gaai mas khabam. M̃g chit̃m aig ni m̃chd̃eujã m̃ch jaauju khaba chir̃m. ⁴ Mua khaph̃ chir̃m, m̃ch khaigba khaba chir̃m. Mag chirab mam̃ õor dakh̃ir m̃n Ëwandam d̃i iekkh̃or chukhu

chirumjã aba chitum. Mag chiraawai mua khaphu chirum, mu khai bag wauju jaauju wa mu kôit khãijã iekhajuun ich maach Pör Jesuuchata jaauju aai sim, bigaaum khunau khabam. ⁵ Magua mua pãrag, “Oob chikham jaau chithëe amiet” a chirum. Magju khãai idëu maach Pör Jesucristo bëepi at that. Ich pierrwaita irua ichdëu khap ôrau nem meraa wautarrjã khichag ee narrta araragag phë athamjô abaawai thumaam khunau khakhapdô aju. Maigta ichab ôrau amach thãar eepai khirju sïsidumjã thumaam khunag khaphu apiju. Ya mag jaau dichwian chadau ôrau amachdëu nem wajapha nem waumaajerr igwia ichdëucha am wajapha ig iekhaju.

⁶ Cristo gaaimua khodamnaam, cha mua iekha chirumun pãach atheyau. Pãadë oobat. Muchpaïta Apolos dui maach phidkha num jaauwia chirum, maar mag pãar khãai ürpaijã khaba sï pãach chognaanjö wënum oowia Ëwandam iek phã sim gaai jaau simjô chadcha maach thum agdaujôpai num a khap amkhïir. Maagwai ni äbmuajã Ëwandam iek jaaujem khun igwia, “Magugta ürcha ee awia jürr tagam khunag oobamjô” abaju. ⁷ ¿Khalu pãrag jaauwai pãarta warm khun khãaijã ürpai num a jaauji? Khan nemta deeba arr aawai pãrau bürrjã chukhu nu. Mag Ëwandamau deetarr pãachdëujã khaphu numta, khandeeta pãrau pãach juapaauta paarpatarrjö khïirjuajë.

⁸ Wajapcharan pãachigan, ya mug maach Ëwandam iekhauta biwaau numjô num anum, ya i iek nem khaug num awia. Pãachigan ya pãar reinaankha thunaabahab, pãachdëu nem ig num

thum wai n̄m awia. Magua tag p̄arau b̄urjã maar jua igba n̄m an̄m. Chadcha Êwandam iekta p̄achd̄eu khaph̄ n̄m an̄mjö khaph̄ naakhiin üu akham. Jãgkhiin p̄aar ee par phidkhaba chadcha maach thum āba Êwandam iek gaai ub̄ n̄m aju. ⁹ Magba mua oowai, maar ich Jesuucha ich iek jaaumkh̄ir j̄r autarr kh̄unta j̄rr ich Êwandamaujã juau ogthom chi serbiibacharam kh̄un d̄üimjö api sim maar d̄üi. Mag n̄m aawai s̄i thumaam kh̄unau oo n̄m d̄üi Êwandam chognaan ügtharmpeenau oowaijã, s̄i maach khaigba n̄m gaaimua kh̄chp̄aig ph̄e arrumjöta oojem. ¹⁰ Maar mag durrum̄n, Cristo iek jaau n̄m gaaimua bigaam kh̄unaujã marag lök sierrj̄em a iekha n̄m daar, p̄arta j̄rr Cristo iek ükha naawai chi p̄ör öph̄erm kh̄un aajem, p̄achd̄epai. Maagwai maran s̄ita kha theeg chukhumjö n̄m an̄m daar, p̄arta j̄rr maar kh̄aijã kh̄ir ubaaga n̄m aajem. Cristo gaaimua maran õraujã kha is̄ee n̄m daar, p̄arta j̄rr õraujã daupiinaa ökhö aajem. ¹¹ İ̄s ewag pawiajã agtha j̄dau āwatnaa öbichagjã āwat n̄m. Khaj̄adam theg j̄j̄ua ajujã chukhu n̄m d̄üi õraujã maar d̄üi khaigba aajem. Mag n̄m chan maach di chaarjã chukhu durraajem. ¹² Mag n̄m̄n maach bidam athee maach juadamaucha phidkha durrumua khaj̄eeu durraajem. Maach th̄öp iȳǖ aawaijã warag am k̄oit ügthaagta j̄eu durraajem. Maach khaibag wawaag maach ãudee êkhaawaijã maḡmjã igba kh̄iu āwat durraajem. ¹³ Maach kh̄ircha khaigba iȳǖ aawaijã, maach garmua chan maḡmjã igba warag kh̄ir th̄üu am d̄üi iȳǖ durraajem. Wajapcharan maran amau

sīi amach deg dijā sirphug thunam oomjōta aajem. Ōor thumaam khunau isegtarrjō namta, ĩsjā agtha chikham i ee ich jāg purba durraajem.

¹⁴ Mua mug ēsap gaai ikhaba pārag mag phā deepūi chiram chan sīi pāar khīir naaupim khōchgaupai khabam. Mua mug ēsap phā deepūi chiraman, much chaainjō pāar khōsi wai chitaawaita sīi pāar wawī chiramu. ¹⁵ Pāachig Cristo iek jaaumkhīir pārau maestronaan khapan diez mil jur wai naawiajā pāar chan dēnnaan khapan chukhu nam. Jesucristo iek jāg pāachdēu ogduba ūkha wēnarram gaaimua mug jēb gayan mūata pāar ayau, Ēwandamau maach peerdu aajem iek muata nacha pārag jaautarr gaaimua. ¹⁶ Magau keena. Maguata muan pāragjā much chitaajemjōta wēnarrapi jaau khitaajem.

¹⁷ Timoteogjā muchdēu jaauwiata Cristo iek ūkhatarr aawai ijā mu chaaijō sim. Magua pāragjā muchjō wēnarraju khap amkhīir, mua iita pāar aar pūijim. Iruata maach Pōr Cristo iekjā chadcha ogduba ūkha khitaajeewai mua i jāsene chitam. Ich barbaimaawaita irua pārag jaauwimaju, jāgata mu chitaajē. Muajā pāar dēnjō Cristo iek ūkha chitaawai much chitumpierr iglesiapierr muchdēu jaajem iekta irua pārag jaaumaju. ¹⁸ Āaur khun pāar khapeenan jūrr amachta pāar dūi ūrpai thunam aajem, mu amach aar mabajupii awia. ¹⁹ Mamā maach Pōr Jesuu khōs aman, muchdēun jōpcha pāar oon maju khīirju chiram, am iek mag amta Ēwandam dēn anaawai daau chadcha amachdēu jaau nam eyaa wēnarram khap aag. Jāan magbamun, sīi Ēwandam jua theegaujā khaba,

sī par iiupai khāijā mag thunum. ²⁰ Ēwandam dēnkha num chan sī ōor jūg daar nem iekhaa khaug iekha num khabam; Ēwandam dēnkha num abarmun chadcha irua nem jajaaukham ipierraa wēnarramua i jua theegta dich gaai oopi nummu. ²¹ Ĵāga pārau khōsi nu? Ĵmuch barbaimaawai warre pāachig meerrauta iekhapim khōsi nu, wa mawia sī pāach daupiinaa ithūuta pāachig iekhapim khōsi nuwa?

5

Jāga aju aai nu jāg sī parhooba thunum khun dūi

¹ Jaau num khun iek mag pāar ee ābmua ich bāaurr ūanpaita ich hukha wai sim anum. Jāgum pāar dak nem wajaphampa, jāgum pekau chan ni Ēwandam iek khaugbam khun eejā ooba aajem. ² Mag numta pārau pāachdēupain Ēwandam iek wajapha ukha num aajerram. Mag iekhaju khāai warag pāar chigaa aju aai numta, chigaa khabamjō num. Chi mag sim wounan warre pāach eemua jnrpūiju aaita sim. ³ Mu chan chadcha khīrcha chan pāar aar khaba chirum, mamu mūchchata pāar aar chirumjō mūch iekta maach Pōr Jesucristo iek gaai thūwi mua warre pārag jaaukhum. Mua oowain jāgum khun dūin magta aju aai sim. ⁴ Pāar cha mua jaau chirum iek iekhaag āba biirdūawai khīrcha chan pāar aar khaba chirajup mamu mu akharan pāar aar sīju. Mag mūchta pāar aar chirumjō chirum dūi īchab maach Pōr Jesús i jua theegjā pāar dūi sīju. ⁵ Mag wajapha iekhawian chadau chi mag ich bāaurr ūan dūi sīerr woun warre pāach eemua jnrbarpūit,

dösātagta i dūi ichdēu ampierr amkhīir. Mag-baawai āsie ich daujā merag phēwia deeu ewag phurbawia ubu sīsimun, maach Pör Jesús bēem edjā üu i akhaardam peerdu auju.

⁶ Pāar ee jāg khaigba num chan, pāachta wajapha num awia pārau pöd pāach thō iyūu aju khaba num. Jāgbaadēphumjā sīi oobamjō būrjā iekhaba ich jāg sīsiu akhiin, ābpai mag sim gaaimua warag tagam khunpata ārju, levadura buchkhun arin ee pūibarmua warre thum aaidu joopjemjō. ⁷ Pārau khaphum, phiesta Pascua ee paawai levadura thum barkhujjem. Ich agjō khabahab Cristo meetarr gaaimua maach khaibag chugpaa athamjā. Mag sīewai mag levadura dēnjō pāach thumaam khun ārpi sim woun warre pāach eemua chawag jurbarūit. Mag jurbarāaiwain chadau Pascua ee khoog pan levadura chukhu wau simjō pāar eejā mag khaigba nurrjēem gaaimua levadura dēnjō bigaaum khunpra ārpiju khun chukhu aju. ⁸ Mag phiesta Pascua ee aajemjōta maach Ēwandam dūi wēnurrāju aai num. Wajapcharan dich khaibag thum isegwia āba khīirjug wajapham auwia chadam iek gaai jaau simjō wēnurrumun, pan levadura chukhu wau simjōta num. Pari magba agtha dich khaigba num khaphu numjā isegba ich mag wai wēnurrumun, magan sīi agtha Ēwandam iek khaugbam khunjōta num.

⁹ Napem machedēu īchab pārag ēsap phā deepūitarr gaai mua pārag, “Jāg amach uin khabam dūijā khapese aajem khun dūi chan oob khapeerkhamiet” a chirajim. ¹⁰ Pari mua mag chirum chan mag ar parhooba khapese

aajem kh_{uun}, wa phatkhon athee b̄ie s̄ierj̄eem kh_{uun}, nem j̄igmien wa nem parhoobam_ugta Ēwandamagamj̄o j̄eujem kh_{uun} igwiata mag warre am d̄ui iekhaj̄ā iekhaba ni amag oobamj̄o abatj̄ā aba chirajim. M_ug j̄ēb gaai n_uweran ichiita am d̄ui maach ich j̄āg wēn_urraju. ¹¹ Mua mag chirarran, ar p̄āach eepaij̄ā ermanonaan an_um kh_{uun}ta mag parhoobanaa phatkhon atheej̄ā b̄ie th_un_um kh_{uun}, nem parhoobam_ugta ēwandam awia j̄eun_um kh_{uun}, parhooba chikham kh̄ir iekhaajem kh_{uun}, nag pig s̄ierj̄eem kh_{uun} maimua nem j̄iignemj̄ā s̄ierj̄eem kh_{uun}ta jaau chirajim. Ar mag th_un_um kh_{uun} d̄ui chan ni s̄i thach khoogpaij̄ā oob am d̄ui āba ohoodō amiet. ¹²⁻¹³ Chadcha ar s̄i ermanonaan khabam kh_{uun} igwia chan p̄ōd mua, “Aman magta s̄ierj̄eem” aju khaba chir_um. Am mag jaaujuun ich Ēwandamauta jaauju aai sim. Pari ichiita p̄ārau p̄āach eepaim kh_{uun} d̄uin chadau p̄āachd̄eu khap nem inju aai n_um. Magua mua p̄ārag, “J̄āg pekau p̄ōm sim warre p̄āach eemua chawag j̄urbap̄it” a chir_um.

6

Juez Cristo igar khabam kh_{uun} na iekkh̄ōr ēud_un_um

¹ J̄āga j̄āg p̄āar p̄āach Ēwandam iek ūkha n_um kh_{uun} aphaj̄ā iekkh̄ōr aauwai, chi thethemnaan p̄āach eem kh_{uun}j̄ā igbanaa warag būurj̄ā Ēwandam iek ūkhabam kh_{uun} aarta weetj̄ē, makh_{uun}agta p̄āach iekkh̄ōr wai n_um jawaan. ² P̄ārau khaugba n_u, m_ug maach Ēwandam iek ūkha n_um kh_{uun}nauta m_ug atag m_ug j̄ēb gaai Ēwandam iek ūkhaba arr

khun khaibag maach ipaarmua Ēwandamag jaau thunuju? Mag maachdēuta am khaibag waujujā Ēwandamag jaaju numta, jāgwia ag khāyau mug jēb gayam nem phithur khabamjā pārau pōdba n.

³ Ĵpārau khaugba n, ūgthar Ēwandam chognaan thunum khunjā maach khāai eegpai thunaisiju, maachta Ēwandam dūi āba am pōrnaankha nūisiju aawai? Maachdēuta magju khai, magan mug jēb gayam iekkhōr chará ag khāijā phithurg chukhu wajaphata waupūi aju aai n.

⁴ Magua mua pārag mag chirum: Būr abarm gaaimua pāach eepai iek phithurg aadeewai, Ĵjāgwia pārau pāach eepaim khunta chi jueznaan khamkhīr jūr auba aajerrá, sīi Ēwandam iekjā ūkhabam khunagta pāach jusgaapiju khāyau?

⁵ Juau ogthom pāar khīr naaumkhīrta chadcha mua pārag mag iekha chirum. Mag khōs aawaita pārau jāg bigaam khunta jūr ahau aajem. Mua khīrjuawai pāar ee magum iekkhōr öberbaadēphum paar iekhaagjā pāach eepaijā chi thethemnaan thunum, Ĵjāgwi magum khunta jūr auba aajerrá?

⁶ Wajapcharan mag wir aig pāach ermanonaan eepai meeukha nūmpaijā khabam; mag meeukhanaa ag iek eudagpaawaijā jueznaan Ēwandam iek ūkhabam khun aarta wētvia mamta magum iekjā eudajerram.

⁷ Sīi jāg pāach eepai būr abarm gaaimua khīr auphōbaadēphūmpaijā khaigbata sim. Pāach khapeenau pāach dūi warag khaigba aawaijā, parhoobam khunagta jaaju khāyau, Ĵjāgwia warag sīi magum khū awatpūiba aajē? Ĵjāg pāach nem khāijā jīgkhaawai warag udura okhoopiba aajē, thumaam khunag khakhapdō

apimaaugau? ⁸ Mam̄ pārau magba, warag pāach garmuata pāach ermanonaan eepaijã nem wauju khabampa waunaa am nemdamjã khũgur aumaju êkhaajem.

⁹ ¿Pārau khaugbata nu, jãg nem khaigba waaujem khũn pöd Êwandam sim aar wëtju khabam? Oob udũr pāach khũgurpimiet. Ar dich õor khabam dũita parhooba khapese aajem khũn, amach õor dũi sĩsidũmta deem dũi aajem khũn, nem parhoobamũgta êwandam awia jëeujem khũn maimua ar amach emkhooin aphajã mũin dũimjõ waaujem khũnjã Êwandam sim aar pöd õbërbam. ¹⁰ Mag tag thũnum: nem jĩgkhaajem khũn, phatkhon khĩrag bĩe sĩerrjëm khũn, nag piim khũn, parhooba chikham khĩr iekhaajem khũn maimua ar sëukha chikham khũgurnaa chikham jua eem nemjã khecheu aumaajem khũn, magũm khũnjã ni ãbjã Êwandam sim aar õbërbam. ¹¹ ãaur khũn pãar ee cha mua jaau chirũmjõta thũnaajim warrgar. Mam̄ ãs ya maach Põr Jesucristo gaaimua ich Êwandam Akharau ya pãar khaibag thum upũiwia ich atheepaita nem wajapham appai wau wënrãmkhĩr pãar jũr aujim. Mag num dũi warr pãar i dũi iekkhõr pøm wënrãrrjã, maach Põr Jesucristoou Êwandam Akhaar dũimua üu pãar peerdũ auwia pekau chukhu arrjõ pãar wai sim.

Maach moron Êwandam sĩejem diiu

¹² Pãar ee ãaur khũnau maagjeebma: “Muan mũchdëu nem waum aig wau chitũm; magũm paarjã, khaíu mũrũg magũm abarju” aajem.

Chadcha ich magma. Mam_u maadëu nem wau n_um thum maach athee üu khaba sïerr_um. Magua, muajã mag m_uchdëu nem waum aig pöd waubam; mua magkhiin mag_um nem wauju khïirjugta warag m_u ürpaju. ¹³ Ichab äaur kh_unau pãar ee maagjem: “Phiejãban khoog atheeta waaujem; maagwai maach bi thachdam khö n_um atheeta Ëwandamau deejim” aajem. Ma chadcha khoog atheema phiejãban, maagwai mag thach khö n_umjä pekau khábama; pari ichiita Ëwandamau mag_um thum chukhu apüiwia maach bijã jëbeg paapüju. Pari mag maach bi thach atheem awiajä, maach mor chan sïi dich õor khabam düi parhooba khapes amkhïir khabajim. Maach moron maach Pör Jesucristo atheyau, thum ichdëu nem waupi sim wawaag. Maagwai ich Jesucristo, jürr maach mor atheyau, í maach mor ee sïejeewai. ¹⁴ Maguata ich jãg Ëwandamau ich Jesús phiriu autarrjö, maachjä agjö ich m_ug cha maach n_umjö deeu phiriutkha auju.

¹⁵ ¿Pãrau büürjãta khaugba n_u, maach thumaam kh_un morta jürr Cristo morkha sim? Mag simta, äbmua khãijã _unin parhooba durpa theeg sïerrjëm kh_un düi akhiin, maach mor mag Cristo morkha simta jürr mag _uuirag dee naabahab. ¹⁶ ¿Pãrau khaugba n_u, jãg _unin chi durpathierrmie düi n_um aig, ya maach i dënkha n_uisip n_um, maagwai jürr ichjä agjö õor äbpaimjö maach dënkha sïsip sim? Ëwandam iek phã sim gaai jaauwai, “Warr jaai khaba aawain numí narrrta, jaaikha n_uisiewain õor äbpaimjõta aphöbaadëm” a sim, “jürr agdaujö warm dënkha n_uisim gaaimua.” ¹⁷ Ich agjõta

naabahab maachjã ïchab Cristo dënkha nũisim aig. ãb khãijã maach Põr Jesucristo dũi sïisiewain, magbarm aigmua maadëu i oobahab mamũ i Akhaar maach ee sïeichëm gaaimua warag maachin i dũi õor ãbpaimkha i dënkha nũisim.

¹⁸ Oob pãach õor khabam dũi khapese amiet. Deelum pekau wauwai chadcha Ëwandam na maach khaigba api sïeb mamũ, jãg dich õor khabam dũi khapese anũmjõcha khaba sim. Maach mor mag Cristo atheeta sïewai, jãg dich õor khabam dũi khapes aawain, wir aig dichdëupaita dich khaibag wau nũm, deelum dũi nũmua dich mor Cristo dënkha simta ãrpi naawai. ¹⁹ ¿Pãrau khaugba nũ, mũg maach Cristo iek ùkha nũm khũn mor ïchab Ëwandamau maachig ich Akhaar deetarr ag sïejem dikha sim? Ëwandam Akharan chadcha maach eeta sïejem. Mag í maach ee sïejeewai maach mor chan maach dën khabam. ²⁰ Chi morkhũn Ëwandamau, ichdëuta maach përkha autarr aawai. Maguata dich morjã ãba i atheepaita wai naaju aai nũm, bigaaum khũnaujã mag oowia Ëwandam wajapha ig iyũnaa maach ëugarjã wajapha iekhamkhïr.

7

¿Jua pũrju aai nũ wa jua pũrju khaba nũ?

¹ Na ar pãachdëu mũrũg ësap deepütarr gaai jua pũrju aai nũ wa jua pũrju khaba nũ a jëeu narr, ïsin chad mua pãrag jaaukhim: Mũrũgan, emkhooïn mũin auba ich jãg amach appai wënrũrakhiin nem wajaug sim. ² Mamũ jãg amach õor khabam dũijã sïi parhooba aadëphũm gaaimuata emkhooïnã

agdaujö amach uunin düi sīsidnaa chi uuninjā agdaujö amach jaain düi sīsid aju aai nam. ³ Ya mag āba nūisiewai, chi emkhooirau khōsi aadeewai chi uuiraujā igkhaba, maimua chi uuirau khōsi aadeewaijā ich agjō chi emkhooiraujā magam aba aju aai nam, ya dich ōor düita naawai. ⁴ Wa chi uuirau khāijā, “Much mor aawai mu jayaujā khaugba sim” a iekhaju khaba sim, warramjō puch appai khaba sīewai. Ni chi emkhooiraujā pöd, “Much mor much gaai wai chiraawai muchdēu khōsi aadeewaita magju aai chirum” aju khaba sim, pūjā ichab puch apha khaba aawai. ⁵ Mag jūrr agdaujö chikham dēnkha naawai, ābmua khōsi sim aig pöd iwiir ābmua, “Mua khōchkhabam” aju khaba sim. Pārau khapes aba āwat aju aai namun, khāaidam khapanaa khāijā maach Ēwandamag jēwaagpaawai agdaujö sarkha aju aai nam a iekhawian chadau sarkhaju aai nam. Pari ya mag jēu dichdi-maawain chadau ūwaai pāachdēu waum khōsim aig waubat. Eeu magba akhiin, khāai khapan pāar magam khaugba nūisiewai jūrr meperau deum düi khāijā pekau waupidukham.

⁶ Mag chirum chan, mag ichiita ēwannan thum pāach uunin aupetat aba, wa chi uuninag khāijā thum jaain jarkhabat aba chirum. Mag khōs amun ūuma; mag khōchkhabamun ich agjō nem wajaug sim. ⁷ Much ödiupain muan pāarjā thumaa muchjōta pāach appai naapim khōsi chirum. Mamu Ēwandamau maachig agdaujö ich jua theeg deejem, mag deebarmua agdaujö dichig deemarpierr ich atheeta nem waumkhīir.

⁸ Pari mua ar agtha amach apha thumnam

khunag maimua khoopaa unagjã agjõ, “Mjõ pãar ich jãg pãach appaita wënrakhiin uu akham” a chirum. ⁹ Mam pãrau pãach õ khõchag pöd awatbaju num khai, warre pãach uidamcha atthat; maagwai unaujã agjõ warre pãach jaaindam aupetat. Warre dich õor düicha nisiewai üucha sïebahab, sïi magum khõchag aadëphmjã ich mag awat wënrāju khãai.

¹⁰ Pari ya ar amach õor düi num khunag mua mag chirum. Ya ma chan sïi mch iupaijã khaba, maach Põr Jesuu mag jaaupi siewaita mag jaau chirum: Pch chi uraujã oob pch jaai pua urram. ¹¹ Mam pch jaai puawiajã, tag deelum jaaijã auba, ich magta urāju aai sim. Mag ich mag pch appai urramapha umn, magan deeu pch jaai düita phurbaju aai um. Maagwai pch chi emkhoiraujã pöd pch ui puaju khaba, ni deelum uijã auju khaba sim.

¹² Mag tag deelum nemdam mua pãrag jaaum ig chirajim; ya ma chan maach Põr Jesuu jaaupi sim khabam, maan sïi mch khïirjug eepaimu. Mam mchdëu khïirjuawai chadcha magta aju aai siewaita pãrag jawaagpam: Maach ermanon-aan eem äbmua khãijã ui wai sim, pari mag urau Ewandam iek ükhaba sim; mag khitumuata ich jayag ich puapimapha sim chan, mag ermanoou pöd mag ui puaju khaba sim. ¹³ Wa magba ui äb Ewandam iek ükha sim jayau khãijã jürr Ewandam iek ükhaba sim; mam ich ui ya ag düi khaug siewai ich puapimapha sim chan, mag uraujã pöd mag emkhooi puaju khaba sim. ¹⁴ ¿jãgwi? Chi emkhoirau ükhaba siewia khãijã

ya jürr ich chi ʘi gaaimua Ĕwandamau tag sī bi-gaaum khʘnʘjōcha khaba ʘu i eeg oo sīewaima. Wa magba chi emkhooirau khāijā wajapha ʘkha simta jürr chi ʘairauta Ĕwandam iek ʘkhaba sim khai, ich agjō chi jayau pōd pʘaju khaba sim. Magba akhiin Ĕwandamau ich jaai gaaimua ʘu ijā agjō eeg oo simta pʘaju. Wajapcharan mag chi Ĕwandam iek ʘkha sim gaaimuata warm khʘnʘjā ichjō Ĕwandam dēnkhapiejem. Magba akhiin pāar chaainjā sī būrjā Ĕwandam iek ʘkhaba aajem khʘn chaainjōta sīsīd aju. Mam ʘu ābmua ʘkha khērʘm gaaimua ya ĩchab amjā ich dēnkhaīm ʘu ich dēnkha aajem Ĕwandamau.

¹⁵ Mam mag jürr iwiir ābmua Ĕwandam iek ʘkhaba sīewai chi ʘkhaba sim garmua pʘam khōchag thʘnʘm khai, idēu pʘch pʘapibá. Chi ʘkha simua ʘkhaba simag pōd, “Pua chan mʘ pʘaju khaba sim” a iekhaju khaba sim. Ich mag ogdʘba wēnʘrrʘm chan khōinaa wēnʘrrabaju. Pari Ĕwandamau maachig khōinaata wēnʘrrapi jaau sim. ¹⁶ Magua mag chi ʘkhaba sim garmuata dich iseg nʘmjā, ökhar dich dēnjō ʘkhapī auju awi ogdʘmapham gaaimua khōinaa khaba wēnʘrrʘm khai, ich garmuata idēu pʘch pʘapibá. Magba akhiin ich mag khōinaa khaba wēnʘrraju. Chadcha mag ʘkhaju awiajā, jāga pua mag irua ʘkhaju khaph ʘi, mag gaaimuapai mag khaigba nʘmta ogdʘba wēnʘrraag.

¹⁷ Pari muan iglesiapierr ðor nʘnʘidʘm khʘnʘnag mʘgta chirʘm: Mʘrʘgan pāachdēu Ĕwandam iek ʘkhaawai narrjōta naaju aai nʘm. Mam mag

wēnerramua Ëwandam Akharau pãachig ich jua theeg deemarrpierr i atheeta nem waubat. 18 Pua Ëwandam iek ükhaawai judionaanau amachta Ëwandam chaainkha n̄m khap amkh̄ir aajemjō meh̄eu ph̄urbich chirarr khai, ich mag chirsí. Wa ph̄urbichba kh̄ijã chirarr khai, oob ph̄urbichpim. 19 Judionaan d̄enjō ph̄urbich sim khai, üu sim; pari ph̄urbichba s̄iewiajã ich agjō nem wajaug sim. Mam̄ Ëwandamau maḡm gaaimuata maach ig sim abam. Magarrau chadcha wajapha sim̄n, Ëwandamau ich iek gaai jaau sim ipierraa n̄m̄n chadau wajapcha sim maḡm ph̄urbich n̄m kh̄aijã. 20 Ëwandamau maachig ich iek ükhapi aauwai maach narrjō ich magta naaju aai n̄m. 21 Irua pur̄ug ich iek ükhapi aauwai p̄ s̄i chikham chogkha sierr khai, khani pua tag kh̄irjuju. Pari pua oowai üu p̄ pach patrón jua eemua öb̄erju ayaa oo wai sim khai, oob par daúapai oom. 22 Pari Ëwandamau ürcha maḡm kh̄irjupiba sim. ¿Khan jãgwi mua mag chirú? P̄ ich mag chikham chogkha s̄is̄iwiajã, ichiita pekau maad̄eu oomaug sim chogkha sierr jua eemta maach Pör Cristoou p̄ peerd̄u autarr aawaima. Pari mag chikham chog khaba arr awiajã, mag Cristoou p̄ peerd̄u autarr aigmuan p̄n̄n j̄urr i chogta kha s̄isim. 23 Pãran thum Jesucristo bag ärtarrauta Ëwandamau pãar p̄rkha aujim; maagwai ya pãran i d̄en̄eu. Chadcha mag khai, magan s̄i m̄ug j̄eb gayam kh̄un kh̄irjug igba, äba i iekpaita ūr̄bat. 24 Ëwandam gaaimua khodamnaan, pãachd̄eu Ëwandam iek ükhaawai narrjō i na ich

mag wēnurrathä.

²⁵ Daupeen ar agtha õor meraam khunnag iekhaag chan, maach Pör Cristoou murg jaauba arr aawai, wajappai iekhaju chukhu chirum. Pari murgan murgta sim: Mujã ichab maach Pör Cristoou juapá deewia i dui ubu chitumuata jaau chiraawai pãrau ukhaju aai num. Ūrbat: ²⁶ Is ewagan warag phithurga paaukhamaawai murgan maachin cha maach numjöpaita ich jäg wēnurraju aai num. ²⁷ Uui wai chirum khai, oob puch uui pnam. Ewan chirum khai, oob jöpkharraa uui auju khirjum. ²⁸ Pari pua uui auju khirjubaadewi warre ag dui jua pnum pekau khabam. Wa chi uuirau khãijã ich jaaipaju dui jua purwiata pamun, ich agjö pekau khaba sim. Magba ya pãach õor dui paaukhabaadeewai, warr pãach appai aawai naajerrjö khaba, phithurga aju. Mag pãach phithur apimaaugauta mua pãrag mag jaau chirum.

²⁹ Ichab mua pãrag magam ig chirumun murgau keena: Khir eyaa abat, murg jëb gaai chan ya tag maach pöm wēnurrabaju. Mag ya maach Pör Cristo bëimuu sim aawaita, uui paraa chirawiajã, dich uui düipaita ogdaba khëkhëu aju khãyau, ürcha maach Pör Cristo atheeta nem wajapha wauju aai num. ³⁰ Ökhirjuu num khunnjã, maach Pör Cristo bëimuu sim khaphu aawai oob atcha khoopaan surkha num khunnjö amiet. Maimua ar onee num khunnjã, mag i bëimuu sim khaphu naawai, oob dau lököo amiet. Amach phatkhonau nem pë au num khunnjã, oob ag dui ich mag eumeeju khirjumiet. ³¹ Murg jëb gaaim nem athee pör wajapha aajem khunnjã, magum

nem chukhumjō āba Ēwandam athee nem wauju-uta ēkhabat. Maadēu khaphu n̄m, m̄g jēb gayam nemen thum öwia ich m̄g durrijā chukhu aadēju. ³² Magua mua chan pārag m̄g jēb gayam nemta ürcha khīirju n̄m apimapha chir̄m.

Ēwannaan uinpan khāyau jua par n̄m, maach Pör Cristo athee ürcha nem wajapham wau-naa i dau na wajapha wēn̄rrajuuta khīirju n̄m aag. ³³ Mam̄ mag khāyau jūr̄r ūi paraam magcha jua par khaba sim Ēwandam athee, í ichdēuta amachdēu nem ig n̄mjā khaphu agpierr n̄n̄m̄u awia ich ūi dūijā ogdaba sīsiph̄m aawai. Wajapcharan ūi paraa sim̄n thoophem numí simjōta sim, Ēwandam atheejā nem waunaa ich ūi dūi sīsip aagjā agjō. ³⁴ Ūijā ĩchab ich agjōta sim. Chi ich ap simua āba maach Pör Jesucristo dau na nem wajapha wauju khīirjugta khīirju sim, ich mor maimua ich akhaarjā Ēwandam atheeta wai sīewai. Pari jaai paraamua magbaju, irua degam nem gaaijā p̄rnaa ĩchab ich jayau nem mag abaawaijā agpierr aadēp sim aawai.

³⁵ Mua mag chir̄m chan sīi pāar jaain j̄rpimaaugaujā khaba, pāach ūu wēn̄rramkhīirta mag chir̄m; mag ōor dūi paawaijā maḡm gaaimua amach apha kh̄m̄njō jua parcha khaba aawai pōd Ēwandam athee wajappai nem waubaju khaphu chiraawaita mag chir̄m.

³⁶ Pari ābmua khāijā, “Ya m̄ chi jōoi chiraawai m̄ch ūidam auwia ag dūita m̄ ūu chirsiju” a khīirju sim khai, ichdēu khīirju simjō aju aai sim. Magan ichdēu iek dee wai sim ūi dūi warre jua p̄rju aai sim; mag jua p̄rbarm pekau khabam.

37 Pari deeam agjö chi jöoi ěwan sim, magua khĩirju sĩi awia, “M# ich j#g m#ch ap #in khĩirj# khaugba chitaju” am#n, magan mag ichd#u khĩirju simj# aju aai sim, #i auba; magj# nem wajaug sim. 38 Wajapcharan m#gta sim: Ya p#ach jaai awaag, wa emkhooirau khai ichd#u iek dee wai sim d#i warre jua p#rwiata pam#n nem wajaug sim. Mam# jaai auba, maimua chi emkhooirauj# #i auba, p#ach appai w#n#rr#mj# pekau wauba w#n#rraju awia jua p#rba akhiinj# wajapcha sim.

39 #i jaai paraam#n, chi jaai meebam aiguin ich jaai gaai j#gadau j# simj#ta sim, p#d p#ajuj# khaba. Magarrau chi jaai meebaadeewain chadau ich ap s#siewai deeam jaai auju aai sim. Pari maj# parhoobam kh#n d#ij# khaba, agj# ěwandam iek #kha sim d#ita jua p#rju aai sim.

40 Pari mua khĩirjuawai mag khoopaa #i tag jaai auba ich appai n#rrakhiin, í oneecha #rraju. Maau m# khĩirjugan. Mua p#rag mag iekha chir#m#n, m#chd#upai khĩirjuawaij# chadcha ěwandam Akhaar m#ch gaai wai chiraawaita p#rag mag chir#m#.

8

Ěwandamnaan an#m na nemek wai narr kh#ju aai n#?

1 Ěsin chad p#rag jaaukhim, ar na p#rau m#rug j#eu narr: ěwandam awi agug j#eu n#mua ag khĩirphee nemek wai narr kh#ju aai n# wa kh#ju aai khaba n# a j#eu narr. Mag iek aawai chadcha thumaam kh#nau khaph#m aajem. Pari maad#u dichd#u nem khaph#mta ig w#n#rr#m#n,

magan dichdëupaita dich thö n̄m. Pari magba maadëu dich khapeenta daupii wai n̄m̄n chadau Êwandam iek gaaita maadëu am khîirjugjã bãaupi n̄m. ² ãbmua khãijã “Muan chadau khaph̄ chir̄m” a iekha sim̄n, magan magua chan chadcha ichdëu nem khaph̄ aju aai simjã khaugbata sim. ³ Mam̄ mag nem inag pömta ürcha khaph̄ aju khîirjuju khâyau, ãba Êwandam khõsi ajuuta êkhaju aai n̄m, mag i khõsi n̄m gaaimuata i dãi khapeerkha naawai.

⁴ ¿Ôrau juau nem wautarrta êwandam awia agug jëeu n̄mua ag khîirphee nemek wai narr khõju aai n̄ wa khõju khaba n̄? Maadëu khaph̄ n̄m, ôraun juau nem wautarrta êwandam anaab mam̄, büürjã baleeba s̄sid̄m. Maach Êwandam charan ãbpaita khit̄m. ⁵ Ôragan m̄g jëb gaai êwandam an̄m kh̄n̄ khapan th̄n̄m, edjã eem magwe. Mag êwandamnaan anaa chi pörnaan an̄m kh̄n̄ khapan th̄naawiajã, ⁶ maach atheyen Êwandaman ãbpaita khit̄m, Êwandam chi Aai. Ichdëuta nem th̄n̄mjã thum ompaa aujim. Magua maachjã i atheepaita wën̄r̄m. Maach Pörjã ãbpaita sim ïchab; ma, Jesucristoou. Nem thum th̄n̄m̄n ãba i gaaimuata th̄n̄m. Maachjã ïchab i gaaimuata üu peerd̄ durrum.

⁷ Maachdëu khaph̄ n̄m, mag Êwandam ãbpai simta maach Pörkha sim. Mam̄ ar ôrau am êwandamnaan an̄m kh̄n̄ chan büürjã baleeba s̄sid̄m. Pari thumaam kh̄n̄nau chan maḡm khaugba n̄m. ãaur kh̄n̄ warr Êwandam iek ükhaba aawai nem parhoobam̄g jëeu narr kh̄n̄naun agtha chi nemekjã khö n̄m, chadcha

deelum ãwandam chi iwam khĩirpheeta wai narrpii awia. Pari am agtha Ëwandam iek gaai khukhurpai naawai, amachdëu khĩirjuawai mag khö nũmuajã agugcha jëeu nũm dũi ãba sim a khĩirjuajem. Mag khĩirjubaadëm aigta amachdëupaita amach khaigba nãmjöö khĩirjuajerram. ⁸ Pari maadëu khaphũ aju aai nãm, ïs mag dich thach khö nũm gaaimuata mag Ëwandam najã maach ãu wënũrrũmjã abam. Magũm nemek mod maadëu khökhiinjã, warm khũũn khãai wajapchajã wënũrrabaju. Wa khöba akhiinjã, maachta warm khũũn khãaijã khaigbacha wënũrrajujã abam. ⁹ Mamũ nem parhoobamũg jëeu nũmua nemek wai narr pãachdëu khöju aai nãm awiajã, wajapha khĩirjunaata khöbat, eeu pãach mag nãm gaaimua ar Ëwandam iek gaai agtha ubũcha khaba durrum khũũnta jũrr pekau ee burripidukham. ¹⁰ Pua khaphũ sim, magũm nemek mod khö nãm khaigba khaba sim. Mamũ pũchdëu mag khaphũ chirũm awia, dich ermano agtha Ëwandam dũi ubũ khaba sim dakhĩir mawia nem parhoobam khĩirphee nemek mod wai narrta khökhiin, ich dakhĩir mag khöbaawai çiruajã agjö khöm khõs khabaju khai? Irua mag oowai pũ dënjö khömũn, ¹¹ magbarm gaaimua pua pũch ermano agtha Ëwandam iek athee khukhuraa khitũnta sũi okhoopinjöö okhoopiju, majã i gaaimuapata ïchab Cristooujã uduaraa ich thöopitarra. ¹² Maach ermanonaan Ëwandam iek gaai agtha ubũcha khaba khithëemta pekau ee burripiewain, ich Cristo dũichata iekkhör paarpa nãm. ¹³ Magam uguata, mua oowai mua nemek khö chirũm gaaimua khãijã mũ ermano

imeraa pekau ee burrpiju sim khai, warag m̄chta b̄urjã nemek khöba ich mag chitaju. Magba akhiin mua nemek khö chir̄m gaaimua i pekau ee burrju.

9

Khani jāgju aai n̄m a khap amkh̄ir Pabloou ichpai jaautarr

¹ M̄n chadcha ich Cristooucha ich i jaaumkh̄ir j̄r autarrau. Magtarr aawai m̄ s̄i chikham jua eegarta khaba chir̄m. Muajã ìchab m̄chd̄eucha maach Pör Jesús oobajieb; p̄achd̄ejã p̄rau khaph̄ n̄m, m̄ mag chir̄mua jaauwia khabahab p̄achd̄ejã chadcha ùkha durrum. ² Bigaam kh̄nau m̄ ñugar, “Jã chan ich Cristooucha ich i jaaumkh̄ir j̄r autarr khabam” aju. Pari p̄raun m̄ igwia, “Ich Jesuucha j̄r autarrau” a iekhaju aai n̄m. ¿Jãgwi? M̄ gaaimuata p̄achd̄ejã maach Pör Jesucristo iek wajapha ùkha n̄isiewaima.

³ M̄ch ñugar m̄ch ìgkha n̄m kh̄nag m̄ch iek ùrmkh̄ir mua magkhim: ⁴ Muajã ìchab warm kh̄n d̄enjõ p̄ar chi ùkha durrum kh̄n jua eem thach dee n̄m khõnaa p̄ar jua eem dödõjõdamjã döju aai chir̄m. ⁵ Ëijã Ëwandam iek ùkha sim d̄i jua p̄rwi m̄ch chit̄mpierr wai chitaju aai chir̄m, tagam kh̄n agjõ ich Jesuucha j̄r autarr kh̄nau aajemjõ. Ich Jesús eeugpeenaujã magta aajem, Pedro d̄imua. ⁶ Wa Bernabé d̄i maach numpaita maar ich jāg maach juadamaucha phidkha w̄nrraju aai n̄wa, maach bidam athee. ¿Maarjã s̄i ìchab p̄rau jāogju aai n̄m khabá?

7 Khaíu jaauwai mag soldaaukha num khun amach phatkhonauta amach nem ig numjã thum përkha aumaajem aajë. ¿Pãrau oowai nemjïir jïir num khunau pöd amach nemjïir eem khöju khaba aajë? ¿Phak bãau num khunau pöd chi jüdchö döju khabam a ùurjë? Mag khabam. Maachin dich phidkha num gaaimuata thachdamjã khö wënrüm. 8 Mua mag iekha chirum ùrwia oob pãrau sïi mäch khïirjug eemuapaita mag iekha chirum amiet. Moiseeu Ëwandam iek phã pëatarr gaaijã ïchab ich mag iekpai jaau sim. 9 Mag irua phã pëatarr gaai jaauwai, “Püch nemjïir dau bibthug deemkhïir phak phidkhapi wai chirum aig, ag eem khöm ugua awia oob i i khöörjü sïum” a phã sim. ¿Maig Ëwandamau phakta ürcha maach khäyaujã dau aug khaugwiata mag iekhajï? Mag khabajim. 10 Ich iek gaai maach phidkha num khun igwiapata mag iekhajim, mag phidkha numjã par khaba amkhïir. ¿Pãrau khaphu naabá, nemjïir jïirwai ag eem khöju khïirjunaata jïirjem, maimua chi bibthug simuajã khöju khïirjunaata bibthugba aajë? Ich agjöta sim ïchab Ëwandam iekta nemjïir jïir numjö jaau wënrüm khunjä: Chi ükha durrum khunauta amau ig numjã thum khap aju aai num. 11 Magua mua mag chirum. Mächdëuta nacha pãar ee Ëwandam iekta nemjïir jïir numjö jïirimajim. Magtarr aawai maarjã maach juau phidkhaba, sïi pãrau nem dee num iipaita naaju aai num. 12 Warm khunau chadcha amau pãar dëi magta num; pãrau pãachdëujã am dëi jäg num khai, maar dëi chará pãrau wajapcha aju aai num. Pari magumjã marau büurjã pãrag maar dëi

chadcha magta abatjã aba, sã khũ ãwatnaa maach juadamauta phidkha durraajem maachdëu nemdam ig nãm athee; eeu magba akhiin sã maachig nem deemkhĩirta Cristo iekjã mag jaau wënarrãm awia i iek ëugarta woun ëugarmjõ khaigba iyüü adukham. ¹³ Pãrau khaphu nãm, ar Aai i jëeujem deg phidkha nãm khũnau chadcha ag ee Ëwandam athee nem thũnãm khõju aai nãm. Wajapcharan Ëwandamag jëwaag nemek thorrphënaa chi nasãd gaai phaaajem aig phidkha nãm khũnau chi nemek mod gayamjã khõju aai nãm. ¹⁴ Ich agjõta maach Põr Ëwandamaujã jaau sim: I iek mag chi maach peerduajem iek jaau nãm khũnan, mag jaau nãm paar dee nãmuata wënarraju aai nãm aajem. ¹⁵ Pari magumjã ni biekdam äbjã mua pãrag nem jëwaa khaugba chitãm. Ìs mæg ësap phã chirumjã mũchig nem deepũimkhĩirta mæg phã deepũi chirumjã aba chirum. Äbmua khãijã mũræg, “Oob tag Ëwandam iek par jawam” akhiin, magan mua jũrr irig, “Pari mũch khĩrauta mag par jaau chitaawai mæg chitãmua jãdaúa thõkhiinjã mũ gaai mas khaba sim” aju.

¹⁶ Ëwandam iek jaau chitãm awiajã mua wir aigpai mũch thõba chirum. Chadcha ich Ëwandamauchata mũchig jaaupitarr aawai mua põd irig, “Mua chan jaaubam” aju khaba chirajim. Mua Ëwandam iekta jauba sũkhiin, irua mũ gaai jua khũaba deeju. Maigjã, jë, apkhiitũ mũdam! ¹⁷ Mua mũch khĩrauta i iek jaau chitãm paarjã irua phagab khaba phagju. Pari ichiita jaaumapha awiajã, ich Ëwandamauta mũræg

jaaupitarr aawai, jaauju aai chirum. ¹⁸ Magua m̄ch khĩrauta mag i iek jaau chitaawai m̄ onee chiraajem, ni Ēwandamaujã mag par jaaupiba sim ee m̄chdēupaita par jaau chitaawai. M̄ch mag chirum gaaimua onee chirumta m̄uragan ya phatkhonaucha jua ee phagbarmjō sim. Chadcha p̄rag nem jēuju aai chirumta, Ēwandam iek jaauba chitumjōta būrjã p̄rag jēuba chirum.

¹⁹ M̄ chan chikham chog khaba chirum, pari mag chirumta thumaam kh̄n chogjōta chirum, m̄ch mag chitum gaaimua j̄rr òor khapanaacha Cristo iek ūkhapi aumaag. ²⁰ Judionaan ee chitum aig m̄chjã chadcha judiojōta aadejem, amagjã ĩchab d̄i Cristo iek ūkhapi aum khōchgau. Mua mag chirum aiguin m̄gta chirum: Ar agtha Moiseeu phã p̄atarr iek ūrcha ūrkhaajem kh̄nta Cristo igar thereu awaagan m̄chdēujã agtha am dēnjō ūrkhaajem. Pari m̄ chan mag Moiseeu phã p̄atarr iekhau phēethgba chirumta mag chitum.

²¹ Maimua ĩchab judionaan khabam kh̄n ee maawaijã, am oowai ĩchab amachjōta aadejem. Mag amachjō aadejem a chirab mam̄, maach P̄or Cristoou nem waupiba aajem nem chan būrjã wauba chitum; s̄i amagjã ĩchab Cristo iek ūkhapi awaagpaita maagem. Pari wajakcharan m̄n Cristo iek ūkha chitaawai Ēwandam ley d̄ita chirum, ich ag leipai ĩchab Cristo ley aawai.

²² Ōor agtha Ēwandam iek gaai khukhurpaim kh̄n daarjã amau nem wauju khabam nem wauba chitum, amagjã maach P̄or Jesucristo iek gaai ub̄ apijuuta ēkha chitaawai. Wajakcharan m̄n m̄chta òor ee maawaijã d̄i ĩchab amachjō

aadeejem, mag chach oomamua ãaur khunau khãijã ùkhabaawai ùu peerduktkhamkhïir. ²³ Mh mag chitumun mun mug Jesucristo iek jaaum khõchgauta mag chitum, much dãijã ìchab ich chaain tagam khun dãi wajapha aajemjõ wajapha amkhïir.

²⁴ Pãrau khaphu num, apostaa khaphig num aig, õor khapan khaphiigjem. Mamu chi regaloon ãbpaimua auju simta thumaam khunau auju êkhaajem. Ich agjõta sim Êwandam sim aar baraagjã. Irua nem wajapham deebarm auju khïirjuwiata khaphig numjõ abat. ²⁵ Chi mag khaphiigjem khunan sïi nem inag jõpcha ãarjem awaagpajã amach mor surkha num. Maachjã agjõ surkha num; mamu mag surkha numun jurr am den khãaijã nem wajapcharamta maachig deemkhïrau. Ma chan ãrjã ãrba ni õjã õba ich mag sierraju. ²⁶ Mag khïirjuwiata mun much apajã khaphig chirumjõ chiraajem, much barju aar baraag. Mag num dãi ìchab õrau chikham phãr thunwaag wërbu numjõta aajem. ²⁷ Wajapcharan Êwandamau nem jaau sim ichaur amaugau, mun much wawì chiramuata ajués surkha chiraajem, parhoob nem wauba aag. Magba akhiin much garmua õrag Êwandam iek jaau chituu aajerrta, jurr Jõoirau murug nem deejuu atarrta ìgkha auju.

10

Parhoobam nemta êwandam awia agumug jëeupiba jaautarr

1 Ermanonaan, warr jöoingar aawai s̄i õor maba aajem ee ni döjã chukag ee Moisés d̄i maach jöoin wënurrarr chan oob p̄rau kh̄ir okhoomiet. Amach thum s̄i j̄unthumie naarjõ j̄iu jörröm eegarta wënurrumua ph̄uas Chi Phur eejã thumaa büupai darba dichjierram. 2 Amau amach thumaam kh̄unau udaraata Moiseeg amach pörkhapijieram, ichd̄eu arrmpierr amach wai wënurrarramkh̄ir. Magta am Ph̄uas Phur eejã s̄i büu darbagkha dichwi j̄unthumie naarjõ j̄iumamua am jaau warrjim õor chukag eejã. Mag thumaam kh̄unau Moiseeg amach pörkhapi n̄mta i gaaita pör choo n̄mjõ naajim. 3 Amau amach thumaam kh̄unau ïchab ich Êwandamau nem deemamjã khoojeejim. 4 Maimua thumaam kh̄unau ïchab ich Êwandam jua döjã döjierram. Mag amau dö dötarr Cristoou amag dee sim ajim, mag dö chukag ee wënurrumjã mokdau eem döou am öbichag meeupieg ichta am d̄i s̄ierr aawai. Mag mok eemua amag dö deewia am wënurrampierr am d̄i s̄ijejjim, amau nem ig n̄m deeg. 5 Mam̄ Êwandamau mag thumaam kh̄unag ich jua oopiejerr äba, peer thumaam kh̄unauta i dau na nem khaigba waaujeejim. Amachd̄eu mag nem ärtarr gaaimua ich mag õor chukag durrpai pa b̄epjierram, Êwandamau durr iur deeju atarr aarjã barba.

6 Êwandamau am d̄i magtarr gaaimua maad̄eu khaph̄ n̄m, pöd maad̄eu amau arrjõ nem khaigbamta waum khõsi aju khaba n̄m. 7 Oob amau arrjõ juaupai nem parhoobam wau s̄isid̄mta êwandam awi agum̄g j̄eumiet. Am igwia Êwandam

iek phã sim gaai, “Phak chaaita phĩr dën wau-naa agug jëeu nũmua ohood aphõbaadëwi thach khõnaa dõjã dõjierram” a sim; “maimua mag ohood thũnũũ awia deeu bũjãau paaukhawi jemkha phõbaadëjim” a phã sim. ⁸ Oob amau arrjõ dich ũũin khabam dũita parhooba dich ũũin dũĩmjõ khapes amiet. Amau Ëwandamjã õgkhaba magwia warre åbam edpai veintitres mil khëchjierram anaabá. ⁹ Oob ïchab am eem åaur khũũnau arrjõ khaphũ nũmta juau oghom maach Põr Cristo jũur iekhamiet pãach Põrkhapimaaugau. Amau maach Põr õgkhaba i ichaaur magwia, nemeu khaamamjã åpba ich aguapai khëchmajerram anaabá. ¹⁰ Oob pãach põrnaanau nem mag aawai am ichaaur serereu amiet; magba akhiin Ëwandamau israelnaan dũi arrjõ ich chog pũiwia chi mag narr khũũn khëchpũitarrjõ pãachjã agjõ khëchpũidukham.

¹¹ Chadcha Ëwandamau am dũi maagjerran, ïs ewag pawiajã maadëu amau aajerrjõ aju khaba nũm a khap amkhĩrau. Ya mũg jëb eegar paimũũ pamaawai ïs ewagam khũũnagjã mag khaphũ amkhĩirta Ëwandamau ich iek gaai mag phãpijim. ¹² Magua mua ïsjã pãrag mag chirũm: Pãach Ëwandam dũi ubũ nũm awia oob pãach thõmiet, pekau ee burru chan põm khabam. ¹³ Pãrag jaaukhim, ũrbat: ¿Khar pãrau nem khaigbam waum khõsi aadëba aajë? Jãg nũm chan mag põd õrau åwatbajõjõom nem khabam. Õor põm ich agjõ thũnũmta magbamjõo thũnaajem. Mamũ Ëwandam maach dũi ogdũba khitaajeewai irua maadëu åwatbaju atchajã maachig prueba deebam. Mag prueba põm maadëu åwatbaju atcha

maachig deeju khāyau, ĭchab irua khaphu apiju, jāga uduur dich thu aupiba āwatpūiju aai nu.

14 Magua, Cristo gaaimua khodamnaan, mua chadcha pāar khōsi chitaawai pāach üu wēnurrankhīirta mag chirum: Pāach khapeen Ĕwandam chaar khabamug jēeu num aar pāach ēeurwai oob am aar wētmet. 15 Pārau khaphu naawai magan cha mua jaau chirum jaubat, magá wa mag khabá. 16 Ĕwandamau maachig döpi jaautarrjö Santa Cena khaawai irig üu ajim anaa doowai, ¿jāg num aig maach Cristo bag ārtarr gaaimua āba Cristo dēnkha num a sim khabá, chi dö num khun? ¿Wa mag khabáwa? Maimua chi panjā agjö jua ee aunaa irig üu ajim anaa khoowai, ¿ĭchab Cristo mor gaaimua maach āba i dēnkha num a sim khabá? 17 Maach khapan thunaawiajā, ābam panpai khō num gaaimua maachin õor ābpaimta kha num Cristo gaai.

18 Maimua ĭchab pādē khīirjubat israelnaanau Ĕwandamag jēwaag nemchaain khēchwia khoojem: ¿Nemchaain khēchwia chi phaajem nasād gaai nemek wai narr gayam chi khō num khunjā mag khō numua amachdēuchata, “Maarjā Ĕwandam chaainaugui” anum khabajī? ¿Wa mag khabajīwa?

19 Mua mag chirum chan mag jāg juau wautarrta Ĕwandam chi iwamau aba chirum. Mag iuba sīsid aawai par mag am khīirphee wai narr nemek mod awiajā tagam nemek mod khāai ajapchajā khaba ni khīethuujā khaba sim. 20 Mua mag chirum aiguin, jāg parhoobam nem juau wautarragta nemekjā thōnaa ĩwandam awia agug jēeu num khunnan meperagta jēeu num ata

chirum. Mua chan meperag chan bürjã pärag ee apimapha chirum. ²¹ Magua Pöd Santa Cena kha num aig Cristo jarr eem dönaa jürr meperag jëeu num khunau dö num jarr eejã döju khaba num. Pöd maach Pör Jesucristo mes gaaım pan khönaa agjö dösaıt mes gayamjã au khöju khaba num.

²² ¿Jãg warre õor numiim khunagta jëeum khõchkha num aig, juau ogthom maach Pör dui khujur num khabã? I dui khujurju khaba num. Í maach dui meeukhakiin, maadëu pöd i jua jumbaju.

Nem thum Ëwandam onee amkhürta wauju aai num

²³ Päär ee äaur khunau maagjeebma: “Muan mæhdëu nem waum aig wau chitum. Magum paarjã khaıu mærg magum abarju” aajem. Chadcha ich magma; mamæ maadëu nem wau num thum maach athee üu khaba sierrum, magua muajã mag mæhdëu nem waum aig pöd waubam. Mua magkhiin bithurgam khun khürjugjã Ëwandam iek gaai bãaupiba sim. ²⁴ Magua, oob dich appaita warm khun khãaijã wajapha wënærraju khürjumiet. Mag khãai jãga akhiin maach khapeenjã üucha næisiju aju khürjugta khürjubat.

²⁵⁻²⁶ Mamæ sïi merrkau ee mawia pær autarr nemek mod chan oob khöju khaba sim amiet. ¿Jãgwi mua mag chirú? Ëwandam iek gaai jaauwai, “Mug durr maimua ag gaai nem thunumjã thum maach Pör Ëwandam dënëu” a jaau siëwaima. Mag jaau siëwai pärau nemek parhooba pær auwia khöju aai

nəm, “¿İsin mæg nemek modjã am ěwandam anəm khĩirphee wai narr khãijã agamjã?” aba.

²⁷ ěwandam iek ũkhaba aajem khũũnau khãijã thach khõmkhĩir pãach thũũrwai wẽtam khõsim khai wẽtju aai nəm. Maimua pãachig nemdam deemam khĩu khõbat, “¿Mæg nemek mod pãach ěwandamag jẽeu nãmua i khĩirphee wai narr khabá?” a jẽeba. ²⁸ Pari ãbmua khãijã pãachig, “Jãg nemeken ěwandam anãmæg jẽeu narr nemek modou” amən, chi jaau simua oowai khõju khaba simta khõbaadẽm a khĩirjupimaaugau, oob warag khõmiet. ²⁹ Mag chirəm chan pãar ar ěwandam iek gaai ubũ durrum khũũn khĩirjuwia khaba, ar agtha ěwandam iek gaai ubũ khaba khithẽem khũũn khĩirjuwiata mag chirəm.

Pari ãbmua khãijã, “¿Jãga mag chikhamnau khĩirju simjõta awia põd maadẽu dichdẽu khaphũgpierr aju khaba nũ?” aju. ³⁰ “Mua mũch thach khoowai ěwandamag ũu ajim anaa khõ chirəmta, jãga mag sĩi bigaaumua khõju khaba sim khĩirju sim gaaimuapai muajã khõju aai khaba chirũ” aju. ³¹ ¿Jãgwi mag sĩi? Maan mũgta aju aai nəm: Dich thach khoowai, dõ doowai maimua mag tag nem inagdam waauwajã, mag dich nem wau nãm gaaimua õrau warag ěwandam wajapha thõ iyũũ amkhĩirta nem wauju aai nəm. ³² Ni ãbamũgjã oob ejemplo khaigba oopimiet. Judionaan najã nem khaigba wauba, judionaan khabam khũũn najã nem khaigba wauba, ni ya ěwandam iek ũkha nãm khũũn najã oob nem khaigba waumiet. ³³ Mũũn mũchin magta chitəm. Mũchdẽu nem wau chirəmjã

thumaa ðor dawagaata apim khõsi chitum; maimuajã mæchpaita wajapha chitajujã khïirjuba, bigaaum khundamta ürcha mæ gaai masi aajem, mæchdëu am dëi mag chitum gaaimua amjã ïchab üu peerdutkhamkhïir.

11

¹ Keena, pârau oowai mua jãg äba Cristoou nem waupi simpaita wau chitumjõ, ich agjõ pâraujã mua nem wau chitum oonaa mæ dënjõta abat.

Uin culto ee weetwai jãga aju aai næ

² Cristo gaaimua khodamnaa, pâar gaaimua mæ onee chirum, chadcha üu pârau mæ khïirjunaa mua pâachig Êwandam iek jaautarrjã isegba agpierr wënræawai. ³ Mag naawai ïs mua pârag khïir eyaa apim khõsi chirum: Ich jãg Êwandamta Cristo pörkha simjõ, Cristota maach Pöröu, emkhooïn awiajã; maagwai maach emkhooïnta jürr dich uin pörkha num. ⁴ Mag maach chi emkhooïn dich uin pörkha numta Êwandamag jëeu num aig, wa sïi ich Êwandamau ich iek jaaupitarr khãijã jaau num aig, uinjõ putiu pör börrnaata jaaumæn, magan Cristota wajap khïir naupi num, Cristoogta dich Pörkhapiju aai numta jürr deelum khunagta dich pörkhapi numjõ naawai. ⁵ Wa magba uin khãijã Êwandamag jëeu num aig, wa sïi ich Êwandamau ich iek jaaupitarr khãijã jaau num aig putiu pör börrba numuata jaau numæn, magan amach jaai amach pörkha simta khïir naupi num, amachta jürr emkhooïn khãijã ürpai am khõchgauta mag numjõ naawai. Maguata uin putiu pör börrba ðor ee iekhaawain, pör bichnaa

iekha n̄mjō chigaata aju aai n̄m. ⁶ Ƨainta ðor khapanag ee maag b̄urjã putiu p̄r b̄orrba n̄m khai, magan warre amach p̄r kh̄ip̄aiju aaita n̄m. Mam̄ amau oowai mag p̄r kh̄ibap̄aiwai am chigaacha aju n̄m khai, magan ðor ee iekhaagpaawaijã ichiita putiu p̄r b̄orrju aai n̄m.

⁷ Pari jãg ich Êwandamta maach thumaam kh̄un P̄rkha s̄err̄mjō warr maach ompaawaijã maach emkhooiragta j̄urr̄ m̄g jēb gaai nem th̄n̄m thum p̄rkhapitarr aawai, emkhooi chan p̄d putiu p̄r b̄orrju khaba sim. Pari Ƨiran ichiita putiu p̄r b̄orrju aai sim. Mag ich p̄r b̄orr sim aig, p̄d irua ich jaai kh̄ai ichta ƣrpaï aju khaba sim a sim.

⁸ P̄arau khaph̄ n̄m, warrcha Êwandamau maach j̄oin ompaawai chan Ƨi gaaimuata emkhooi ompaabajim. Magju kh̄ai Ƨita emkhooi gaaimua Êwandamau ompaajim. ⁹ Mag emkhooi ompaatarr chan Ƨirau ig s̄err̄ aawai khabajim, ich Adanta chi Ƨi kh̄ai na omparr aawai. Magju kh̄ai Êwandamau oowai chi emkhooirau Ƨi ig s̄err̄ aawaita i athee ompaa deejim, i daumaai n̄rramkh̄ir.

¹⁰ Magtarr aawaita Ƨinan ichiita putiu p̄r deebaju aai n̄m. Mag n̄m aig amau chadcha ƣd̄raa emkhooinagta amach ph̄eth̄gpi n̄m a jaau n̄m. Mag putiu p̄r deebaawai ðor dakh̄irpaï khaba, ïchab Êwandam chog angeln̄an aig n̄m kh̄un dakh̄irjã ƣu sim.

¹¹ Pari ïchab khaph̄ abat: Maach m̄g Êwandam iek ƣkha n̄m kh̄un ee chan ni iwiram ābmuajã j̄urr̄ chikham igbam aju khaba n̄m. Emkhooi khurau khaba akhiin, Ƨijã chukhu akham; maimua ich agjō Ƨi khurau khaba akhiin, emkhooijã chukhu akham.

12 Iin warrjã chadcha emkhooi gaaimuata   ijã ompaajim. Mam  ich magtarrj  ewag pawiajã   irau chaai oo nam gaaimuata emkhooijã khitam. Mag naab mam  amach numwe emkhooi   i d i  wandamauta ompaajim.

13 P ar kh irjugau j ga s  keena:   in b urj  putiu p r deebaba  or khapanag dakh ir  wandamag j euju aai n ? Jaubat. 14 Maad u khaph  nam, warrgarwe maach emkhooiin p rb  durag b aupiewai  u khaba s ejem. 15 Pari mag sim j rr   in p rb  duraata wajapha s ejem, b urj  chigaa khaba.  wandamau warrgarwe amag p rb  duraa deejim, aguapaita putiu p r b rr namj  w n rramkh ir. 16  bmua kh ij  mua jaau chir m  rmaaugau m  ichaaur iekhaju khai, id u mag sim ich iphithur. Pari mua chan deeam ph b r ee  wandam iek  kha durrum kh  nauj  kh et jaau nam  rba chitam. Ichiita thumaam kh  nau oowai   inan putiu p r b rrju aai nam, culto ee weetwai.

Santa Cena kha nam aig athuucha aajerr

17 Maimua m chd u  urwai Santa Cena khaawaij  m ch j gaag khaba  r chiraawai, ag atheej  p rag m  iekhaagpam. Mua  urwai mag Santa Cena khaawaij , maach P r Jesucristo maach gaaimua th otarrta kh irjuju kh ai, s i parhooba p achd u am aig aawai p achd upaita p ach khaibag waunaa nem  r nam anam  r chir m. 18 Chi oo nam kh  nau m r g jaauwai, mag chi  kha durrum kh  n apha biird  nam anamj  s ita mag kh kh ratd j  ph rph baad p aajem anam. Amau jaau nam thum chan mua

chadcha aba chirum. Pari magdaman chadau mua m̄chdēujā ūkhapai chirum. ¹⁹ Chadcha mag p̄ar p̄ach agdaujōm kh̄un appai chum ph̄ur ohood aadēphum, khaíu meraa sī. Pari mag p̄ach kh̄ikh̄iratdō biirdubaadēphum gaaimua sī ōrau p̄achta wajapcha Cristo igar num amkh̄irta p̄ar mag num khabahab. Pari wajapcharan ar p̄arjō magba num kh̄unta chi chadcha agpierraa num kh̄unau. ²⁰ Pari mag p̄ar āba biirdu num anumjā p̄ach appai kh̄ikh̄iratdō chum poso ph̄ur ohood aadēpnaata maach P̄or Jesuu Santa Cena jaau p̄atarrjō khaawaijā chadcha ich agjōjā khaba, sī thach kh̄om kh̄ochgauta p̄ar maagem. ²¹ Mag aawaita ya khoogpaawaijā agdaujō p̄achdēu nem waibēemarrpierr p̄achdēu kh̄om aig kh̄owia, dōjā dōwia, sī warag kh̄ech th̄unaisiphum. Mag th̄unum ee pogkha jāsōojā kh̄ekhēdum, mag kh̄ōju chukhu aawai. ²² ¿Jāgáwa, p̄ar di chukhuta n̄ p̄ach di aarwe thach kh̄owia dōjā dōwia bēeg? ¿Jāgwia p̄rau tagam kh̄undam ū agjō Ēwandam iek ūkha durrum kh̄unta kha isēemjōnaa ar nem waibēeju chukhu durrum kh̄undamjā kh̄ir naaupim kh̄ochgaujōta jāg n̄? P̄ach jāg num paar chan oob mua p̄ach ēugar wajapha ig iyū aju amiet.

Jesuu Santa Cena waupi jaau p̄atarr

²³ Nawe mua p̄arag jāgata Santa Cena khaju aai n̄ a jaautarr aawai p̄rau jāg num aig p̄od mua p̄ar ēugarjā wajapha ig iyū abam. Cha mua p̄arag jaau chirumun, ich maach P̄or Jesuucha m̄chig jaautarrta j̄urr mua p̄arag jaau chirum: Maach P̄or Jesús ar Judaau chi thethemnaanag i p̄r deetarr ed ya edaar ābmiecha ich khapeen

düi thach khö sñewai, ich juaucha ich jua ee pan auwia, ²⁴ ag paar nacha Ëwandamag üu ajim anaa thorreupüijim aajem. Magnaa ʘapüiwia, “Pãach juau au khöbat, mʘʘn mʘ morou” ajim anʘm ich khapeenag. “Wajapcharan mʘg pandam thorreubarmʘn mʘ cha chirʘmta pãar peerdu aum khöchgau dau aphʘʘ ajuuta jaau sim. Mʘg atag pawiajã mʘg pãachdëu mʘ jua ootarrjö khabat, mʘ thöotarr khïir eyaa aag” ajim aajem, maach Pör Jesuu ich khapeenag. ²⁵ Maimua ïchab ya mag thach khö aaipabaadeewai, chi jarrdamjã jua ee auwia agjö amag, “Mʘg jarr eem vinodam döbarmta warrgarwe Ëwandamau öor düi iek deeju aajerrau; mamʘ mʘg iekhan iek iuriugui” ajim anʘm. “Mʘ bag mʘg vinojö ärbarmuata Ëwandamau, ïsmua atagan chadau pãar peerdu wënraraju aai nʘm a jaau simgui” ajim anʘm. “Pãachdëu mʘg khanaa dö nʘmpierr mʘ pãach köit dau aphʘʘ arr khïirjunaata döbat” a jaaujim aajem ïchab ich Cristoou. ²⁶ Maguama, pãrau mag khanaata panjã khönaa chi jarr eemjã dö nʘmʘn, magan mag nʘmua maach Pör Jesús maach gaaimua thöotarrta jaau nʘmjö nʘm. I bëebam aig chan mag kha nʘm oob khïir okhoomiet ajim aajem ich Jesuucha.

Parhooba nʘm chan Santa Cena khaju khaba nʘm

²⁷ Wajapha ũrbat mua jaau chirʘm: Äbmua khãijã ich khaijba sim gaaimua Santa Cena wau nʘm khöju khaba simta khömmʘn, magan ichdëupaita wir aig Ëwandamag ich gaai mas amkhïir ich ʘmkha sim. Mag sim aiguin maach Pör Jesús ich köit dau aphʘʘ bag ärtarrjã i gaai mas

khaba sim a sim. ²⁸ Magam uguata chi pan khöwia
 chi jarrdam eemjã döju nawe agdaujö wajapha
 khĩirjuju aai n̄m. Pua khĩirjuawai Ĕwandam dau
 na p̄ch khaigba arr gaaimua khöjã khöba ni
 döjã döbaju aai sim khai, warag Ĕwandamag mag
 pekau chugpaapi j̄eunaata chi pan khöwia döjã
 döbá. ²⁹ Mam̄ magba mag Cristo dau aph̄m̄ arr
 jaau simta wajaphajã khĩirjubanaa mag khönaa
 döm̄n, s̄i dichd̄eupaita dich gaai mas amkhĩir
 Ĕwandamag dich m̄kha sim. ³⁰ Pãach mag n̄m
 gaaimuata jãg pãach ee s̄i õor mor masim kh̄m̄n
 khapan th̄n̄m̄ d̄i s̄i kha th̄um kh̄m̄n p̄mjã
 th̄n̄m̄. Āaur kh̄m̄n amach mag n̄m gaaimua
 ya kh̄chwia n̄m. ³¹ Chadcha ag nawe maad̄e
 dich thumaa khĩirjunaa dichd̄e mag nem khaigba
 wautarr paarjã Ĕwandamag chugpaapi j̄eunaata
 khökhiin, khan gaaimua irua mag maach gaai jua
 kh̄aba abarju. ³² Pari mag Ĕwandamau maach
 gaai mas deewaijã s̄i maach wawiewaiu, õor
 p̄m̄ ich iek ùkhaba th̄n̄m̄ kh̄m̄n d̄i āba maach
 jua kh̄gkhap̄üimaaugau. ³³ Wajapcharan muan
 magta pãrag jaau chir̄m̄ khodamnaan. Īsmua
 atag pãach āba biird̄naa maach P̄r Jesuu jaau
 p̄atarrj̄o khoogpaawai, pãach khapeen n̄bat,
 maimua thumaa āba n̄isiewaita khöbat. ³⁴ Mag
 n̄m ee āb kh̄ijã j̄sog th̄naawai p̄d̄ n̄baju
 khĩirju sim khai, warre ich di aarwe khöwia
 b̄eju aai sim, mag ābam aig biird̄naa thach khö
 naawiajã Ĕwandamag pãach gaai mas apim ugua.
 Tagam nem pãrau j̄eue narr õkhar m̄chcha pãar
 aar barimaawaita m̄chd̄e khap jaauwimaju.

12

Ēwandam Akharau ich jua theeg jüigem

¹ Khodamnaan, ĩs jŭrr mua pārag khaphu apim khōsi chirum, jāgata Ēwandam Akharau maach ich iek ũkha num khunag ich jua theegjā deejē, nem khīir pogkhe waumamkhīir. ² Pārau khaphu num, warr agtha pārau Ēwandam iek khaugba naawai sīi ɛduraa jāg juau nem parhoobam wautarragta pāach eudu arrpi numjō aajeejim, agumagta jēeu numua. Pārau khaphu num ĩchab, warrgar pārau ēwandamnaan aajerr khun chan pōd iekhaba, meujā meraa sīsidum, chadcha Ēwandam chaar khaba sīsid aawai. Pari ĩs ya pārau Ēwandam chaar iekta khaphu naawai ichdēun chadau pārag ich iekha simjā khaphu apiju ich Akhaar gaaimua. ³ Magua ĩs khīirjuawai, ābmua khāijā chadcha Ēwandam Akhaar jua theegauta i iek jaau nerrum khai, pōd Jesús thūr thūrnaa khaigba iekhaju khaba sim. Maimua ich Ēwandam Akharauta iekhapibam chan, pōd ābmua, “Jesuuta thumaam khun Pōrōu” a iekhabaju.

⁴ Ēwandamau chadcha ich chaainag ich jua theeg khīirpierr deejem, agua ich athee nem waumkhīir. Pari mag simun, ich Ēwandam Akhaar ābpai simuata mag deejem. ⁵ Ēwandamau maachig nem waupi simua jŭrr bigaam khun chogkhamkhīirta phidagjā khīir pogkhe waupiejem. Mam magumjā thum ich Ēwandam Akhaar ābpaimuata mag waupiejem. ⁶ Ēwandamau maachig nem waupiju ayaam pōm khīir pogkhe wai sim; pari āba ichdēupaita mag nem

khĩir pogkhe wawaagjã thumaam khũũnag ich juapá deejem. ⁷ Magta Ĕwandamau ich chaainag amachpierr ich Akhaar jua theeg khĩir pogkhe deemaajem, magum gaaimua chi ũkha durrum khũũn thumta wajapha wẽnũrramkhĩir.

⁸ Ĕwandamau ich Akhaar gaaimua ãaur khũũnag ichdẽu khõsimjõ õor wawieg nem khĩirjug khaug apiejem. Maagwai ãaur khũũnag agjõ nem khĩirjug khaug api sim, ich iek õrag jaau khaug amkhĩir.

⁹ Maagwai ãaur khũũnag ich ag Akharaupai khaphũ apiejem, Ĕwandam am dũi sim aawai dich juapaaupai pöd nem waubajõjõomjã ich jua theegauta wauju khaphũ apiejem. Āaur khũũnag ĩchab ich aguapai õor mor mas sĩsidamjã monaaumkhĩir ich jua theeg deejem. ¹⁰ Āaur khũũnag ag na õrau mag ooba aajemta õor dauderraa waumkhĩir ich juapá deejem. Āaur khũũnag ich iekta deelum khũũnag jaau khaug apiejem. Maagwai ãaur khũũnag ĩchab khĩirjug deejem, Ĕwandam iekta jaau wẽnũrram anũm khũũnau nem jaau nũm ũurwai chadcha ich Ĕwandamauta iekhapi sĩ wa sĩi dõsãt iekta jaau wẽnũrrá a khaug aumamkhĩir. Āaur khũũnag ĩchab deelum meu bũũrjã mũig eegar iekhaba aajem meupa iekhapimaajem. Maagwai jũrr ãbakhaíg mag warmua iekhatarr, pari agjõ ich meu khaba simta ich meúata iekhatarrjõ, chi ũrtarr khũũnag jaaumkhĩir khĩirjug deejem. ¹¹ Mag nem khĩirpierr jig simjõ ich jua theeg dee simũn, ich Ĕwandam Akharaupaita ichdẽu deeku ayaam khũũnag mag deemaajem, ichdẽu khõsimjõta nem

waumamkhĩir.

Thumaam khũũnta Cristo morkha nũm

¹² Maach moron chadcha thum ãbpaita s̃ieb mamũ, ag gaai nem khĩir pogkhe thũnũm. Ag gaai thũnũm: dau, jua, bũ, kach, maimua magpaijã khabam. Pari mag thũnaab mamũ, ichiita õor mor ãbpaim gaaita mag thũnaajem. Ich magta sim ĩchab Cristo morjã: Maachta i morkha nũm.

¹³ Judionaan wa judionaan khabam khũũn, s̃ii chikham chognaan wa amach cuenta nũrrjẽem khũũnpa maachin thum ãba ãbam Ĕwandam Akhaar auwiata p̃or choo nũm, mag i Akhaar athaawai maach thumaam khũũnag Cristo mor ãbpai õbeer aumkhĩir. Magua mũg maach khapan thũnaab mamũ, ãbam Akhaarpaita wai naawai chadcha maachta Cristo morkha nũm.

¹⁴ ¿Pãrau oowai maach mor gaaipai nem khĩir pogkhe thũnaabã? Maach mor chan mag nem khĩir ãbpaimuata morkha sim abam. ¹⁵ ¿Khanim nemjõ bũũu khãijã juag, “Mũ chan jua khaba aawai mor gayam khabam” akhiinjã? Magju khaba sim, chadcha ichjã mor gayam aawai.

¹⁶ Maimua jũrr kachiu khãijã dau, “Mũjã dau khaba aawai mor gayam khabam” akhiinjã. Mag gaaimua chadcha mor gayam khabam aju khaba sim, ichjã mor gaai s̃iewai. ¹⁷ Maach mor thum dau akhiin, ¿khaniu ũrkhajĩ? Wa jũrr maach mor thum khãijã kach akhiin, ¿jãga nem thũphamjã khap akhajĩ? ¹⁸ Warr maach ompaawaijã ũuta Ĕwandamau maach magta deebajim. Irua oowai agdaujõ amach s̃isid ajupiertra s̃iumajim maach

mor gaai, ichdëu khõchagpierr, amagjã agjö amachpierr nem waumkhîir. ¹⁹ ¿Jãga akham khai Ëwandamau sîi maach dau, jua, wa bûpai khãijã ompaawia, tagam nem ompaaba arr amuan? Mag arr amuan maach mor aju khaba sïekham. ²⁰ Irua maachdëu nem igju thum maach mor gaai ompaakhajim. Pari nem khîir khapan maach gaai thunaab mamu, ichiita maach moron äbpaita sim.

²¹ Daüa ichdëuta warp oojem awia juadamag, “Mua pu igbam” aju khaba sim. Wa magbam khai jûrr pöröu khãijã büüg, “Muajã pãar igbam” aju khaba sim, ichta tagam khun khãijã maach mor gaai ügtharraacha sïejem awia. ²² Magju khãai wajaþcha oowain, maach mor gayam nem wajappai igbajöjöö sïsidamta tagam khun khãijã ürcha iigjem khunau. ²³ Maimua ar maadëu dich mor wajappai asekasbaju ayaam perasta wajaþa put eecha wai wënrarajem. Maimua ag khãai wajaþcha urkhaju aai numta jûrr mag äkhaa paraajã aba ajem, ²⁴ am mag warm khunjö meer paar wai wënraraju igba naawai. Mag khãai urkhabaju aai num perasta wajaþcha urkhaajem. Pari Ëwandamau warrgarwejä ich magta deejim, maadëu oowai wajaþ nem igbapaimta ürcha jãsenkha numjö wajaþcha thua paar wai wënraramkhîir. Ich agjöta sim ichab, maach khodamnaan Ëwandam athee pöm nem wauju khaugba khithëem khunjä. ²⁵ Ëwandamau makhunjä ich morkha wai sim aawai agdaujö jãsene apim khõsi sim, maagwai iwiir äbjã aaidaba sîi warag agdaujö warm khunau nem igaata oo naamkhîir. ²⁶ Mag naawai iwiir äb khãijã mas

aawai tagam khunaujã dãi thumaa sentii num. Wa ãb khãijã nem wajapha waubarm gaaimua onee aawai tagam khunãnjã thumaa onee thunum.

²⁷ Maach Cristo igar num khunan, maachta i morou. Mamu thumaam khunau ãbam phidagpai wauba naawai dichpierr nem wau num gaaimua ãb sãi i juajõ sim; deelum phidag wau sim gaaimua ãb i büjõ sim; ãb i daujõ; ich mag numua maimua mag tag ich mag thum i mor ëntër. ²⁸ Ich Ëwandamaujã ich iek ükha num khun ee ürcha paraa apijim:

Ich iek aaidu jaaumkhïir ichdëucha jür aumam khun,
ich iek jaaumamta jürr warm khunag jaaujem khun,
maimua ich iek jawaag maestronaan.

Mag tag agjõ paraa apijim:

ichdëu juapá deebaawai õor dauderraa nem waaujem khun,

ïchab ich jua theegau õor monaaujem khun,

sãi chikham khïir jãsenkhaag nem par daúa ooba aajem khun,

iglesia ee dirijijem khun,

maimua ich Ëwandam Akharau iekhapibaawai deelum meúa iekhaajem khun.

Magum khunta ich iek ükha num khun ee paraa apijim.

²⁹ Pari magum khun thum sãi Ëwandam iek aaidu jaaujem khun khaba, ni thumaam khunauta mag Ëwandam iek jaaujem khunãnjã khaba, ni thumaam khunta mag Ëwandam iek jawaag maestronaanã khaba num. Thumaam khunauta

mag Ëwandam juapaau õrau ooba aajemjã õor dauderraa nem waujem khunnjã khaba, ³⁰ ni thumaam khunnauta mag õor mor masim khunn monaujem jua theegjã chukhu num. Thumaam khunnagta mag Ëwandam Akharau bũurjã amachdëu meu khaugbamjã iekhapiba, ni thumaam khunnanta mag warmua deeum meúa nem jaautarrjã jũrr khaphu warm khunnag jaaujem khunnjã khabam. ³¹ Mag äbpaimegta thum magamkhĩir Ëwandamau ich jua theeg deeba sïeb mamu, wajapha khĩirjunaa i jua theeg chi wajapcharam khunnanta aum khõsi irig jëubat, agua pãach eejã thumaam khunnanta warag Ëwandam iek gaai ubu paaukhamamkhĩir.

Pari magam khĩirjuju khãai, äb ag khãyau wajapcharam sim: ma, dich khapeen kha khõsi numu. Maata pãrag jawaagpam.

13

Dich khapeen kha khõchag

¹ Khanim nemjõ äbmua chadcha õor dakhĩir mug jëb gayam meu khĩirpierr iekhanaa ügtharmpeen meujã iekha sim, pari mag simta bũurjã ich khapeen kha khõchkhaba sim chan, magan Ëwandamau oowai mag wounan sïi parta mag iekha sim. Mag sim aiguin sïi tamburr bubujukhamjõ khabam khai, latadí nenerrkhamjõpaita sim. ² Maimua khanim

nemjõ äbmua mug atag Ëwandamau nem oopipig majujã thumaa ag nawe khaphunaa, mug eegarm khunnau khaphu num khĩirjugjã thumaa khaphu sim dũi ich Ëwandamau khĩirju sim khĩirjugjã

khaphu sim; pari mag simta būurjã ich khapeen kha khõchkhaba sim chan, magan Êwandamau oowai mag wounan parta mag sim. Wa magba ichdëu nem mag abaawai Êwandamau ichdëu jaautarrjõ apiju khaphuanaa, durrsiig khãijã wounagamjõ “Chum dũũũubaimá” abaawai, i ipierr chadcha ichdëu jaautarrjõ mam mapi sim; pari mag nem wau simta būurjã ich khapeen kha khõchkhaba sim chan, magan Êwandamau oowai parta mag nem khĩir pogkhe khãijã wau s̃eju. ³ Wa ãbmua khãijã aphũũ khithëem khũũnag ich nem wai sim thum ich thach khõju arrpa jiggpũiwia jũrr ichta khõju chuk s̃isip sim; wa ichcha khãijã Êwandam athee awia uduaraa õt ee ich õrpũipi sim; pari magbarmjã būurjã ich khapeen kha khõchkhaba s̃ierr khai, Êwandamau i aubaju.

⁴ Dich khapeen kha khõsim abarmũn, dich dũi khaigba aawaijã s̃i khĩũuta ãwatpũpũikham, magnaa thumaam khũũn dũijã õ wajaphata anũm. Dich khapeen kha khõsim abarmũn, irua nem wai simjã dich dën apim khõsi khaba, wa maach khãai pör õphërg s̃iewiajã ijõ aju khĩirjuba; ni dich thõwia dichta warm khũũn khãaijã emkhooikha chirũmjã abam. ⁵ Dich khapeen kha khõsim abarm chan, būur abarm gaaimua chaai daumeraamjõ parhoob thũthũg aba, ni nem thũnũmjã ãba s̃i dich atheepaita khĩirjubam. Nem khõrgjã khaba, wa mag meeukhabaadẽmjã s̃i ich mag khĩir thũajã khaugba ãba ich mag iekta ich mag ig nũrraba aajem. ⁶ Dich khapeen kha khõsim chan, chikhamaũ nau õor khaigba wau nũm oowaijã warag onee khaba, ãba nem agcha wau nũm oowiata onee

aajem. ⁷ Chadcha dich khapeen kha khõsim abarmun, dich khapeer garmua dich dãi wajap khaba awiajã idëu âwat p̄urbabakham. Chikham ëugar khaigba jaau num ùkhaba, nem wajapha jaau numta ùkhaajem. Dich khapeen pekau ee burrwaijã, ya jãgbaadëm chan tag at khabam a iekhaba, sãita warag ùu deeu ich sïerrjõ ajapha aju anum, i igwia. Dich khapeer gaaimua õrau ich khaigba aawaijã, magumjã igba âwatp̄p̄ikham.

⁸ Chadcha dich khapeen kha khõsim abarmun, mag khõchagjã ich mag chugpaa khaugba sïerraju. Ëwandam aar naaimaawaijã ich Ëwandamjã khõsinaa ich khapeenjã ich mag kha khõsi wënarraju. Mam̄ m̄ug atag paawai Ëwandam iek jaau num khun̄jã tag igbaju, ya ich dũicha naawai. Magbaadëm dãi tag Ëwandam Akharau õrag amachdëu meu khaugbampa iekhapiejerrjã tag iekhapibaju. Ya maig paawai Ìchab õor khïirjug khaugkham khun̄ khïirjugjã tag igbaju. ⁹ Jãgwia magum tag igbaju? Ëwandam iek jaau numjã maadëu thum jaaju khaugbanaa m̄ug jëb gayam khïirjugjã sïi khomariipaita khaph̄ naawaima. ¹⁰ Maimua chi wajapcharam khïirjug khaph̄ aju ed barbaicheewain chadau mag khomariipai khaph̄m nemjã tag chukhu aju.

¹¹ Warr b̄ur̄ chiraawain chadcha chaain iekhaata iekhanaa chaain khïirjugta khïirju chitajim. Pari ya jõoipa chirsiewai warre chaai aawaim khïirjug isegp̄ijim. ¹² Ëwandam iek ùkha numjã ich jãgta sïebahab. Ìsin maadëu Ëwandam igwia i khaph̄ num anaab pari sïi ësphëg khïir purrjõom ee nem inag oo numjõpaita i khaph̄

n̄m, wajappai khaugba. Pari jãg n̄m awia m̄ug atag paawai chadcha ich simjõ maadëu i wajapha khaph̄u aju, ya agdaujõ i d̄ai khĩrcha oophõbaadëm aig. M̄ug maach agtha eegar wënurr̄weran m̄uchdëun ya i wajapha khaph̄u chir̄m a chirab mam̄, agtha i ooba aawai wajappai i khaugba chir̄m. Pari jãg chir̄m awia ich jãg ich Ëwandamau wajap m̄ khaph̄u simjõ m̄uch garmuajã ìchab i khaph̄u aju.

¹³ Mag Ëwandam jua theegta ùrcha ig naab mam̄, Cristo pierrwai tag maḡm igbaju. Magjup mam̄ nem khĩr thãrjup n̄m, makh̄m̄n chan b̄urr̄jã chugpaa khaugba s̄ierrjëem. Makh̄m̄n: Ëwandam iek ùkhawia i gaaimuata maach ùu wënurr̄m khĩrjugau; ùgthar pawiajã warag wajapcha paaukhamaju khĩrjug, maimua Ëwandam khõsi n̄m gaaimua dich khapeenjã kha khõsi n̄m. Pari mag thãrjup n̄m eem ãb sim chi wajapcharam. Ma, cha mua jaau chir̄mjõ dich khapeen kha khõsi n̄m̄u.

14

Ëwandam Akharau deeum meu iekhapibaawai

¹ Keena, mua p̄aba deeu pãrag jaau chir̄m: ãba dich khapeen kha khõsi ajuuta ùrcha ëkhabat. Magnaan chadau ìchab ich Ëwandam Akharau dee sim juapajã aum khõsi aju aai n̄m. Pari b̄urr̄jã õrau khaugbam meúata iekhaju khãai, ùrcha i iek deeum kh̄m̄nag jaau khaph̄u aagta pãach gaai wajapha ich jua theegdam deepim khõsi abat. ² Deeum meu iekhamamua khãijã irig jëeum̄n, nem wajaug sim ìchab; pari mag deeum

meu iekha simuan õrag ũrmkhĩirjã khaba, s̃i Ëwandamag ũrmkhĩirpaita iekha sim aawai, chadcha ich Ëwandam Akharau khĩirjug wajapham dee sim awiajã bigaaum khũũnau ni ãbmuajã khaugbaju, khan ata iekha s̃i. ³ Mag khãyau Ëwandamau ich iek jaaupi simta jaau nũrrũm wounaun chadau chadcha warag bigaaum khũũnpata Ëwandam Iek gaai am khĩirjugdam bãaupiwia, am khĩirjã onee apinaa ĩchab am wawijã wawí sim. ⁴ Pari magba deeum khũũnau magũm meu khaugbag aigta amag ũrpimaaugaujõ deeum meúata iekha simuan s̃i ichigpaita wir aig jaau sim. Mamũ Ëwandamau ich iek jaupitarrta jũrr õrag ũrmkhĩir jaau nũm khũũnaun chadau chadcha thumaa chi ũkha dur-rum khũũnta warag Ëwandam iek khaugpi nũm. Mag amau nem khaug paaukhamam aig warag ag iek gaaita am khĩirjugjã bãaukha wẽtum.

⁵ Mũrũgan pãach thumaam khũũnau deeum meu pãachdẽu khaugbam khãijã iekhahiin ũu sim. Pari mua oowai Ëwandamau ich iek jaaupi sim jaau nũmta wajapcha sim, s̃i jãg dẽgõlp deeum meúa iekha nũm khãaijã. Mag iekhawiajã pari warm khũũnag khaphũ amkhĩir deeu am meúa jaaumũn ũu sim, Ëwandamau mag iekhapitarr thumaam khũũnag khakhapdõ amkhĩir. ⁶ Pãrau oowai mũch khãijã pãar aar mawia s̃i deeum meu pãrau khaugbamuata pãrag iekhabaimakhiinjã, “¿Khani jaau simũ mag s̃ima?” aju pãrau. Mamũ pãrag wajapha khap amkhĩiran, pãar meúata jaauju aai chirũm: Ëwandamau pãrag ich iek jaupitarr, wa mũg atag irua maach dũi aju, wa Ëwandam khĩirjug khãijã khĩir pogkhe jaauju aai chirũm. Magan

chadau pãrau khaphu n̄isiju, pãach meúa aawai.

⁷ Pãrag deeam ejemplo jaaukhim: Karris khãijã wa guitarra khãijã siirwai, siir meraa aawai s̄i ö üurbaajã chukhu sirkhiin, jãga khap abarju khanta sir s̄i. Pöd khaugbaju. ⁸ Wa soldaun khãijã juurhi ee wërbuan wëtum aig chi trompeta sir simua wajapha ö araraa sirba akhiin, jãga thumaam khunau khaphu aju mag sirbarmuapai amachig “Audimat” a jaaubarm. ⁹ Pãarjã ìchab ich agjõta thunum. Pãrau khãijã deeam khunag iekhaawai amau khaugbam meúata iekhamun, jãga amau khaphu abarju amachig iekha num. Par s̄i jãgan paagta iekha numjõ okhoppa n̄isiju. ¹⁰ M̄ug durr gayan meu khapan kh̄ir pogkhe thunum. Chi meu khunagan meu wajaphamma, amach meu aawai, maimuajã amach iekhamam thum khaphu num. ¹¹ Pari mag thunum eemua äb khãijã bëewia mua i meu khaugba chitumta m̄urug ich meúa iekhachekhiin, mua pöd khaugbaju. Mag chan pöd iyü abam, ni äbmuajã chikham meu khaugba aawai. ¹² Magua mua s̄i iekkhõrjã khaba mag chirum: Pãrau jãg Êwandam Akharau ich jua theeg dee sim aum khõchag thunumnem nem wajaug sim. Mamu chi wajapcharamta paarpam khõsi abat, ar pãachdëu oowai agua ürcha chi ükha durrum khun thumaa kh̄ir onee apijõjõom.

¹³ Äbmua khãijã ich meu khaba deeam meúata iekhaajem ag jua theeg wai sim khai, magan agjõ ich Jõoirag jëeju aai sim, mag ichdëu iekhabarm iekpai aig ür num khunag deeu am meúa jaaujem ag jua theegjã ichig deemkh̄ir. ¹⁴ Êwandamag jëeu chirum aig mua s̄i parhooba

deelum meúata jëeukhiin, mu akharaun chadcha Ëwandamag jëeu jöchkhërama. ¿Pari mag sim mæch chi urredu mæchdëu iekhatarrjã khaugba abaawaijã? ¹⁵ Magbaawai ¿jãgajuma? Magbaawai mag deelum meúa jëeumam dui jürr aig dich iek urredu khunnag jaau khaphu jawaag agjö Ëwandamag dichig jaupima, jürr am meúa amag khap amkhür jawaag. Meukhaar khürjã agjö bürjã õrau khaugbam meúata mag au dichtarr khai, ich agjö am meúata amag jauma, khap amkhür. ¹⁶ Mag am meúa khaba sñi deelum meúata Ëwandam thö iekhamamua jëeukhiinjã, jãga pua iekha simjã khaugba aawai aig durrum khunnamau pu ipierr dui ich magau abarju. Amau pöd magbaju, pu iekhamamjã khaugba aawai. ¹⁷ Par pua nem wajaug urredu jëeumaju; pari mag sim aig chan bürjã bithurgam khunnam Ëwandam iek gaai khürjug bãuba, ich magpai bürjã urba arrjö durrum. ¹⁸ Mua chadcha Ëwandamag üu ajim a chiru, mæchdëu irig jëeu chiru aig mæchdëuta pãar khürjã urredu deelum meúa iekhaajewai. ¹⁹ Mag chitab mam, khapanag ee chiru aigün, iek pöm khaba awiajã, thumaam khunnag mæch iekha chirumjã khaphu apim khösite chitum, sñi mæch appai iekha chiru abarmjã am meúa khaba aawai iwiram äbmuajã khaugba ich mag öbërpimaugau.

²⁰ Cristo gaaimua khodamnaam, mag mua jaau chiru khap aag oob sñi chaaindamjö khürjug meraa amiet. Magarrau nem khaigbam wawaagan chadau warag waju khaugba aju aai nã, chaain daumeraa aawai nem waju khaugba aa-

jemjö. Pari Ēwandam Akhaar jua theegau nem khīr pogkhe waupiejem eem chi wajapcharam khap aagan, chadcha jöoin khīrjugjöta abat, wajapha khīrjuag. ²¹ Khīr eyaa abat jāga Ēwandamau warrjā maach jöoin israelnaan ichdēu amach castigaa sim khap amkhīr deeum khūnag amach meúata amag iekhapijī. Ag iek igwia Ēwandamau ich iek phā sim gaai,

“Jākhūn wounaanau mē iek ūkhaba arr aawai jūr dēum khūnagta mua am durr khechthug aupiwi amach meúata jūr chi durr khūnagjā iekhapiju” ajim, “mag oobaawai amach khaibag isegamkhīr.

Pari par mag dēum durram khūnau amach dāi magbarmjā ūkhabaju” a phā sim. (Is. 28:11-12)

²² Magua, ĩs ewagjā mag ōrau meu khaugbam iekha nūmuata chi ūr nūm khūnag Ēwandam iek ūkhapiju aju khaba nūm. Magarrau Ēwandam ichdēucha ich iek jaaubarmta jūr thumaam khūnag ūrmkhīr am meúa jaau nūmuan chadau ūkhaba nūm khūnau pa ūkham khōsi ūkhaajem, ajaphata ūr naawai. ²³ Pāadē khīrjubat: Ēwandam iek ūkha durrum khūn thumaa ābam aig biirdūnaa, thumaam khūnau dēum meúata iekha thūnūmcha khāijā āb būrjā Ēwandam iek ūkhaba sim dubchēwia mag oobaicheewaijā, khan abarju irua. Par jāgan irua, “;ih! parhooba dubwia sīi ōor pōm lōkie thūnūmjā oobarm” awia warag ūkhab sīsiju. ²⁴ Pari magba sīi pāach thumaam khūnag Ēwandamau jaau simta jūr ōrag jaau nūmcha khāijā āb Ēwandam iek ūkhaba

khitam dubchëwia mag ũrbaicheewai, irua thumaa äsie ich mor ewag khĩirjuwia, “Chadchata m̃ñn pekau pöoma chir̃m̃” aju, ich jügdaar mag pãrau jajawagmam ũrwia. ²⁵ Mag amachdëu i oojã ooba aajemta wajapha i oojem kh̃ñn dëñjö ichigcha jaaumam ũrbaawai kanieu th̃khöonaa, “Chadcha Ëwandam am d̃i s̃iwaita m̃g th̃ñm̃” awia, d̃i amach paarmua Ëwandamag jëeuju.

Pãach nem iinwai wajapha oonaata inbat

²⁶ Ya äbmiecha paawai mua pãrag magkhim: Ar äba khapanaa biird̃naa Ëwandamag jëeuwai, äaur kh̃ñnau meukhaar auju aai ñm̃; maagwai äaur kh̃ñnau Ëwandam iek gaaimta jaau ñm̃ua õor wawiju aai ñm̃; maagwai äaur kh̃ñnau ich Ëwandamaucha amachig jaaubarm iekta j̃rr deelum kh̃ñnag khap apiju aai ñm̃. Tagam kh̃ñn deelum meúa kh̃ijã iekhaju aai ñm̃; maagwai warm kh̃ñnau j̃rr makh̃ñnau deelum meúa jaaubarmta thumaam kh̃ñnag ũrmkh̃ir jaauju aai ñm̃. Mam̃ mag nem in ñmjã, dich appaita onee aag khaba, thum aig ñm̃ kh̃ñn Ëwandam d̃i warag ub̃ apiegta mag wauju aai ñm̃.

²⁷ Pãach meu khabam iekhaju awiajã iekhaju aai ñm̃. Pari numpai wa th̃rjuppai kh̃ijã ääbdö iekhamamuata iekhaju aai ñm̃, s̃i thum sereuba. Mag deelum meúa iekhabarmjã ichiita j̃rr äbmua jaaub khaba jaauju aai sim am meúa, thumaam kh̃ñnag ũrmkh̃ir. ²⁸ Mag khapan th̃ñm̃ ee ni äbmujã mag warm kh̃ñnau deelum meúa iekha ñm̃ jaauju chukhum chan, magan warag b̃urjã deelum meúa iekhaba, s̃i pãach ödegpaita

iekhabat, pãachdëu Ëwandam dëimuapaita mag pãach iekhabarm khap aag. ²⁹ Wa magba sïi Ëwandamau pãachigcha jaaubarm iekta jürr õrag jawaag wai num khai, agjõ numpai khabamun thãrjuppaita iekhaju aai num. Maagwai tagam khunau sïi khïuu ùrwia jaauju aai num, chadcha Ëwandam Akharauta mag iekhapi sï, wa sïi ich khïirjug eepaimuata mag iekha sï. ³⁰ Pari mag agtha warm iekha sim ee, deeum aig simug khãijã ïchab ich Ëwandamau ich iek jaumkhïir jaumun, magan chi nacha iekha sierr iekha õwia jürr magug iekhapiju aai sim. ³¹ Mag ããbdõ iekhamamuata thum chi Ëwandamau ich iek jaupi num khun iekha õju aai num, aig durrum khundamag khaugpiwia ïchab khïirdam onee durrumkhïir. ³² Chi mag Ëwandamau ich iek jaupibaawai jaau num khunauun wajapha khaphu aju aai num, amach parhooba sereuba sïi ããbdõpaita iekhamaju aai num. ³³ Jãgwia mag chirú? Sïi jãg nem parhooba amachdëu ampierr aawai Ëwandamau khõchhaba aajeewaita mag chirum. Ëwandam chan oob magum eem khabam. Iruan agpierraanaa khõinaata wënrappiejem.

Jãg tagam khun chi ùkha durrum khun iglesia ee aajemjõ, ³⁴ unan culto ee paawai sïi khïuuta ùr ohodõ aju aai num. Am, emkhooïn ijëjëbham ee dïi iekhaju khaba num, ich Ëwandam iek phã sim gaai jaau simjõ, am sïi amach jaai jua eegarpai khithëem aawai. ³⁵ Emkhooïnu culto ee nem jaau num wajappai khaugba aawai wajapcha khap aag jëeum khõsi num khai, di aar pawia amach jaainagta jëeju aai num. Magba jãg culto ee un

ijējēb aawai üu khaba sim.

³⁶ Pārau jāg deelum iglesia ee aajemjō khaba, sīi pāachdēu am aig nem waauwai, ¿pāachdēuta nacha Ēwandam iek ompaa aujimpīi nu? ¿Wa pāachdēupaita mag Ēwandam iek khaphu nuwa?

³⁷ Pāar ee āb sīi ich iupai khāijā Ēwandamau ichig jaaubarm iek jūrr ōrag jaaujem ag jua theeg paraam a sim khai, wa deelum jua theeg Ēwandam Akharau deetarr khāijā wai sim a sim khai, magua tagam khūn khāijā khapcha aju aai sim: muajā ich ābam Ēwandam Akharaupai mūchig jaaupitar-rta jaau chirum. ³⁸ Pari ĩchab ābmua khāijā mua nem jaau chirumjā chad amapha sim khai, magan oob “Jā chan Ēwandamauta ich iek jaupi simu” amiet.

³⁹ Cristo gaaimua khodamnaan, magua mua mag chirum: Ēwandamau ich iek pāachigcha jaaubarm jūrr ōrag jaaujem ag jua theegta pāachig deepim khōsi abat, i iek ōor jūg eyaa jawaag. Pari mag awiajā oob, “Deelum meu chan iekhaju khaba sim” amiet. ⁴⁰ Deeu pūaba pārag jaau chirum: Mag nem waauwaijā sīi parhooba pāachdēu ampierr aba, agpierraata aajeethā.

15

Cristo meewia deeu phiidutarr

¹ Khodamnaan, pārag khīr eyaa apim khōsi chirum maach peerduajem iek ar na mūchdēucha pāachig jaautarr. Ich mag iek ajim pārau ūkhawia ĩsjā üu agtha ag gaai ubu durrum. ² Ich mag iek mūchdēu pārag jaautarr gaaimua üu pāar peerduwi num, majā chadcha ūkhatarr khai

mamu. Ich agtha p̄aar ag iek puaba ich mag i d̄ui ubu nam khai, üu p̄aar chadcha peerdu nam.

³ M̄uchd̄eu ükhatarr iekta ya ìchab p̄aragjã jaauwia chirum, jãga ich Ëwandam iek phã sim gaai jaau simjõ chadcha Cristo maach pekau gaaimua thõjĩ. ⁴ Mag i thõowia b̄ep s̄iutarr khãai thãrjup nam ee ùwaa maach ich m̄ug phiidutarrjã ìchab mua p̄arag jaaujim. Mag i phiidujujã ìchab ich Ëwandam iek phã sim gaai ya ag nawe jaau sim. ⁵ Mua p̄arag jaaujim, Pedroog ich oopitarr, ag khur doce ich d̄ui ogduba w̄enurraajerr kh̄unag ich oopitarr, ⁶ maimua ag khur ùmaai deeu ich iek ükha durrarr kh̄un khapan quinientos atcha ābam aig narr kh̄unag ich oopitarr. Mag i ootarr kh̄un āaur kh̄unan ya kh̄echwia naab pari jãrrcha atcha agtha monakha th̄unam, mag amachd̄eu ootarr jawaag. ⁷ Maimua Santiagoogjã ich oopiwia thum ich d̄ui ogduba w̄enurraajerr kh̄unagjã ich oopijim. ⁸ Jãkh̄unan chadcha ya ich d̄ui d̄urr̄uu w̄enurraajerr kh̄un ajim, mamu m̄un eeu ich iek ükhatarr edweta warre m̄rug ich oopiwia mu j̄ur aujim. Maguama, mag m̄rugta ābmiecha ich oopitarr aawai m̄un s̄i agtha khukhur chiruwe thaabap̄itarrjõta chirum. ⁹ Magtarr aawai Jesuu ich iek jaaumkh̄ir ichd̄eucha j̄ur autarr kh̄un eejã m̄uchta thumaam kh̄un kh̄aijã serbiibacha chitum. Mag chiraawai m̄ujã ìchab ich Jesuucha ich iek jaaumkh̄ir th̄ur autarrau a th̄urju aai khaba chirum, i iek ükha durrum kh̄un khaibag wawaagjã am eudee ēkha chituu aajerr aawai. ¹⁰ Mag chitajieb mamu üu Ëwandamau mu eeg oowi is ich iek jaaujemkha wai sim. M̄uchta

much khapeen ich iek jaaumkhîir ichdëucha jur autarr khun khâaijã ürcha phidkhawia chirum. Much juapadamau khabajim pari ichdëu mu juag oowiata üu chadcha mu durrcha i athee phidkhabarm. Jãgan Jöoirau parchata mu eeg oobajim. ¹¹ Pari mag chirum aig chan khaita ürcha phidkhajî wa khaita pöm phidkhabajî a chirum khabam. Maach thumaam khunau ichiita Cristo meewia deeu iiu phiidutarr iekta jaau num; mag jaauwia pârau ükhajierram.

Khëchwiajã deeu phiidutkhaju

¹² Pari mag Cristo meewia phiidutarr marau pârag jaaubaawai ükhatarra, jãga îs üurwai pâar eem khun iek mag õor meebarm chan tag phiiduba aajem a jaau num ür chirú. ¹³ Chadcha mag õor meebarmjã tag phiiduba aajeekhiin, magan Cristojã agtha ich aukhertarr jëbdeg sjeekham. ¹⁴ Mag Cristo chadcha iiu phiidawia ich mag öberba arr akhiin, cha marau i iek jaau wënrarmjã sëukha chad khaba arrta jaau wënrarakham. Mag khai magan maadëu parta ükha num. ¹⁵ Chadcha mag amau jaau numjõ õor meebarmjã meem iekta meejem akhiin, magan maraun sëukhata Êwandamau Cristo phiriu aujim a jaau wënrarm, chadcha phiiduba arrta. ¹⁶ Amau jaau numjõ mee num khun tag büurjã iuba num khai, magan Cristojã meewia tag phiidubakham. ¹⁷ Mag Cristojã phiiduba arr khai, magan parta pâraujã i iek ükhajierram. Mag akhiin magan pâran agtha pâach pekau eeta wënrarajeekham. ¹⁸ Mag i phiiduba arr khai, magan îchab i iek ükha durrumua ötarr khunjã

amach pekau eepaita ich mag okhoo durrum. ¹⁹ Cristoou ich igar wēnurrum jūrr maach ich aar auju a simjā, maach meewai chadcha ich aar aubamta mag sīekhiin, magan ʒkhan wajaug athee i gaaimua mʉg phithur wēnurraraajeeekhājī? Mag akhiin maachta chadcha thumaam khʉn khāaijā parchata phidkha wēnurrumjōo aajeeekham.

²⁰ Pari Cristoon chadchata iiu phiidʉjim. Mag ʉor pōm ʉ nʉm ee ichta nacha phiidʉtarr gaaimua ewag pawiajā ʉor khapan ichjō phiidʉtkhaju jaau sim ajim. ²¹ Wajapcharan ich jāg warrjā ʉor ābpaim gaaimua ewag pawiajā ʉor thum okhoo nʉsierrjō, ich agjō ʉchab woun ābpaim gaaimuata ewag pawiajā ʉor iiu phiidʉtkhaju i gaaimua. ²² Ich jāg warrgarwe Adán gaaimua ʉor thum ʉ derr aawai ich agjō ʉchab Cristo gaaimuapaita thum maachin ich mag iiu wēnurraju. ²³ Pari majā sīi parhooba khabam: Cristota nacha phiidʉjim; mag khur deeu ich pierrum edta i igar ʉkha durrum khʉnjā jūrr phiidʉtkhaju. ²⁴ Ya magbarm aigmuan chadau, Cristoouta mʉg durr thum ich khaibag dāi ag gaai jua theeg thʉnʉmpa thum pōdpūinaa jūrr ich Ēwandam chi Ayagta nem thum jūapiju, ich mag chi Pōrkha sīsimkhīir. ²⁵ Pari mag ich Ayagta jua theeg thum jūapiju na, ich dāi iekkhōr paraam khʉn thum ich jua eegar phē au nʉm ora ich Cristota mag ichdēu ʉor phē aumam khʉn Reikha sim. ²⁶ Mag ich dāi iekkhōr paraam khʉn thum ich jua eegar phē athaawai, ābmiecha paawai tag ʉor mee khaugba thʉnʉisiju, ²⁷ magamkhīirjā ich Ēwandamau thumaa Cristoogta jaau wai sīewai. Mag nem thum irigta jaaujim

anum chan, ich Êwandam chi Aaipata jÿrr i jua eegar sim anum khabam. Ich Êwandam chi Aai chan pöd i jua eegar aju khaba sim, warrjä ich Jöoirauta mag nem thunum thum i jua eegar apitarr aawai. ²⁸ Maimua mag nem thum thunum Cristoou ich jua eegar phë athaawai ich Cristojä Êwandam Iewaakha simta jÿrr ich Jöoi jua eegar sÿsiju, ich Jöoirauta warrjä irig jua theeg thum ich jua eegar phëdeetarr aawai. Magbaawain chadau ich Êwandamta nem thum thunum khãaijã warag ürpai sÿsiju.

²⁹ Mag Cristo iiu phiidubajim anum magan çkhanthee äaur khunau jäg ya meetarr khun köitjä amach pör choopi numma? Mag öor mee num khun iuba num chan, çkhanthee am köit pör choopi numma? ³⁰ Mag Cristo iiu phiiduba arr khai, magan çkhantheeta maar jäg ed ëepierr sÿi maach mod umkha numjö wënrarajemma i gaaimua? ³¹ Mag wënrarum gaaimua muchin edau äspapakhampierrta tag päar khÿir chitabajö aadëp aajem, chikhamnau dakhãwaau. Päar Cristo igar num gaaimua much onee chirumjä meerba jaau chirum pärag. Ich agjö much peer örau thöthöo aajem pärag jaau chirumjä sëukhaba chirum. ³² Dich khapeenpaijã khaibag sÿi maach khoojemjö sÿsidam düijã par iekhaupain Efeso phöbör ee chadcha maar jäau numjö aadëp aajeejim, Cristo gaaimua. Pari chadcha öor ö numjä tag phiiduba aajeekhiin, çkhanthee mu mug chituu aju chad khabam athee? Mag akhiin magan am iekhöoin, “Keena, jöpcha khëchju napí, magan warag thach khöwia onee döjä dötarrau” aju aai

num.

³³ Pari mag khabam khodamnaan. Oob ar Jesús iiu phiidubajim a jaaujem khunnag pãach khũgurpimiet. Pãrau khaugbá: “Khaigbam khunn dũi khapeerkhaawain maach wajapha chirarrjã arpãaijem” a jaaujem. ³⁴ Khĩirjug khaphu aajeethũ. Mua ũr chirum, mag maach meebarm chan tag phiiduba aajem a jaaujem khunn pãach eepaijã thunum anum; mamu mag thunumjã pãar bũurjã chigaa khabamjõta aajerram, amag iekhabanaa sũi ũrbamjõ aawai. Pãrau khaugba nu, chi mag num khunn chan Êwandam igar khaba, ni bũurjã i khaugba naawaita mag num. Magum khunn pãach ee wai naaba warre jurbarpãit. Mũch iek ũrwia khĩir naaumkhĩir ĩs chadcha mu mag iekha chirum pãrag.

Jãga meetarr khunnjã deeu phiidutkhaju khai

³⁵ Tale āaur khunnau amach odegpai khãijã, “Keena, jãg õor mee numjã ¿jãgata phiidutkhaju khai? wa am phiidutkhaawai ¿am mor jãgata sĩsid aju khai?” a jẽeju, amach wir aigpai khãijã. ³⁶ Chi mag jẽeu simun magan wajap khĩirjubanaata mag sim. Pãrau ooba aajẽ, jãga aajẽ nemjĩir dau jĩirwai. Par daua oowai nemjĩir daudam jẽb eecha joothu kheerwai warre thõbaadẽmjõo oojem. Pari mag thõbarmjõ arreta, deeu tharrphẽbaadẽmuata ũwaa khẽrdam paarpawia iiu khẽrsiejem. Ich agjõta thũnaabahab maachjã; maach meewia jẽb ee aukheerwai mug atag deeu phiidutkhaju khunn khabahab. ³⁷ Pãadẽ mu sũu awia arroz wa deeu nemjĩir dau khãijã jĩirnaa oobat: Mag nem jĩirwaijã warre chi bãdamchata jĩirba, chi daudampaita

jïirjem. ³⁸ Mag öbërmamuata chi nemjïir daupier khïir pogkhe öbeerjem, Êwandamau warrgarwe ich mag derr aawai. Maachjã agjö meebarmuata mor iur paarpa naabahab. ³⁹ Ich jãg nemjïir dau khïir pogkhe paraanaa pabÿjã khïirpierr thannmjö, maach morjã khïet sïebahab, tagam nem dïi. Nemchaain pabÿ eem morjã khïet sim; nem ichpan morjã khïet sïewai awarr morjã agjö khïet sim. ⁴⁰ Ægtharmpeen morjã khïet sïewai, mug jëb gayam khann morjã khïet sim. Ægtharmpeen amach ooimug khïet wai naawai mug jëb gayam khann ooimugjã khïet sim. ⁴¹ ¿Pãrau oowai mug edau äsdawam edau chi edaram dïi khïet sïeba aajë? Ni phïdagjööjã khaba sïsidum. Amach chi phïdag appaijã thum dau agdaujö wunba, dau khïet sïsid aajem.

⁴² Wajapcha khïirjukhiin, maachjã ich jãg nemjïir jïir nannmjöta naabahab ichab, mag meewia deeu iiu phiidumajem a jaauwai. Khani maach meewai nemjïir jïir nannmjö maach mor jëb ee aukhërbaawai sïi beerjem; pari mag meebarmua deeu iiu phiidubarm chan tag beebarm. ⁴³ Mag bëp sïubarm chan tag büurjã maadëu igba sim. Pari magtarra deeu phiidum sïsiewain chadau sïita ooihum sïisiju, magjö aju nem chan maadëu ooba aajem. Ya sïi jua theegjã chukhu bëp sïutarra jürr phiidumawain chadau juapa theegta phiidumu. ⁴⁴ Maach meewain maach mordam cha maach iyum nannmta jëb ee maajem. Pari mag sim phiidumawai chan ya tag mug mor khïir khaba, ægtharmpeen morkhata phiidumu. Wajapcharan mug dich bi eem morjã paraa aawai ægtharmpeen

morjã ìchab thunum.

⁴⁵ Ëwandam iek phã sim gaai jaauwai, war-
rcha ichdëu ompaatarr woun Adán a thür sïerr
ichdëuta iupi aujim a jaau sim, magbarmua ewag
pawiajã maach paarpa aumkhïir. Pari ag khur
Cristo pierrwai jÿrr ich garmuata òor iupie chaar
iupiejem, magbarmua ich gaaimuata ùgthar òor
òbër wënurramkhïir. Mag Ëwandamau Adanta
nacha ompaatarrjò, jÿrr Cristota nacha phiriu
aujim, ichta ùgthar wëtju khun den chi Pòrkha
sïsimkhïir. ⁴⁶ Magtarr aawaita mÿg agtha ee-
gar nweran ich mÿg mor maachdëu wai num
düipaita wënurraju. Pari mÿg atagta agjò ich
Ëwandamaupai maachig tag thøjã thõba aajem mor
deju. ⁴⁷ Nacharam woun Adán aajerran jëb
dënta Ëwandamau ompaa aujim, pari Cristoon jÿrr
ùgtharmuachata bëejim. ⁴⁸ Maach mÿg agtha mÿg
durr jòoi gaai durrum khunan nacha mag jëb
den ompaa autarr ag mor khïirta wai num: pari
ya ùgthar paawain ich ùgthar sim ag mor khïirta
wai naaju, Cristo mor khïir. ⁴⁹ Ìs ewag pawiajã
agtha Adanag mor deetarr khïirkha wënurramjò,
jãg nuu awia jÿrr ich Cristoou mor wai sim khïirta
maadëujã agjò wai nwisiju.

⁵⁰ Pari cha mua jawaagpam wajapha ùrba
ermanonaan: Maach mÿg eegar aawai maach
mordam mÿg khitum chan pöd Ëwandam sim aar
òbërbam. Maach mor mÿg büur abarmua dajëkhu
khitum chan pöd Ëwandam sim aar wënurraju
khaba num. ⁵¹⁻⁵² Pari ùrba, ìchab agjò cha mua
pãar jügderraa jawaagpam: ma chan pãrau
büurjã ùrba aajemnu: Maach mÿg thunum khun

thumcha chan khëchbaju. Pari agtha khëchba naawiajã, chadcha maach chi ùkha nùm khùun mor mugg simun, ãbmiecharam trompeta sirbarm dúi sïi mugg maach dau phïrbarmjõ abarm ee, warre maach thumta mor iuur wai nùisiju. Mag trompeta tõe abaawaita nawe khëchwia jëb ee khëkhëd arr khùunjã deeu phiidutkhaju, tag khëchba ich mag iiu nùisieg. Magbarm dúi maagwai agtha maach chi monakha durrum khùunjã deelum mor chi iurigta paapüiju ich Êwandamau. ⁵³ Magbaawai maach mor mugg dajëkhu khitamjã jürr büurjã meeba aajemugg pabaadëm dúi, tag beeurjã beeurba, sïi ich mag sïerraajemkha sïisiju. ⁵⁴ Mag tag maach meejã khaugba thunùisiewain chadau chadcha ich Êwandam iek phã sim gaai jaau simjõ, “Mugg atag paawai mugh garmuata õor dajëgpiejemjã pödpüiju” a simjõ nùisiju. ⁵⁵ Mag igwia ïchab ich Êwandamau ich iek deelum ich iek jaaujemugg phãpitarr gaai jaauwai, “Magbaawain chadau jãg õrau amach dajëgju õgkhaajerrjã tag khïirjuba nùisiju” a sim, “chi maach dajëgpiejerrjã ya tag jua theeg chukhu sïisiewai.” ⁵⁶ Jõoingarwe ley deetarr gaaimuata õrau amach pekau põoma wai nùmua okhoojújã khaphu aajem, mag pekauáata nem jua theeg benen dënjõ õor meepiejeewai. ⁵⁷ Mamu üu maach Põr Jesucristoou mag pekauáa õor okhoojiem ich garmua pödpütarr gaaimua üu maach i dúi wënarrum, tag okhooju khaba. Mag nùm dúi mugg jëb gaaiwejã maachig ich jua theeg deejem, mag pekau jua theegag dich thu aupiba aag.

⁵⁸ Cristo gaaimua khodamnaan, mua chadcha

päär khõsi chitum. Magua mua pãrag, “Ich jãg i dui ubunaa chikhamnau chaaur nem jaau numuajã pãach khũgurpiba, warag maach meewiajã deeu iuu nuisijuuta khĩrjunaa i dau najã nem wajapha wau num gaaita phidkhanaat” a chirum. Pãrau khaphum, ich athee maach mag phidkhabarmjã irua s̄i ich jãg par okhoopibaju.

16

Ofrenda dee num

¹ Pãrau khaphum num, jãga mua Galaciapienagjã jaaupüijĩ. Magtarr aawai jãg Cristo gaaimua maach khodnaanka thunum khun athee pãach eejã agjõ phatkhon phiebat. ² Domighed paawai agdaujõ pãachdëu ganmampierr phiepetat; maagwai ya wai naawai, m̄ barbaimaawaita eepemjõ mag phatkhon jurjur abaju. ³ Ya pãach aar m̄ barbaimaawai pãrau õor jur auju; makhunta m̄chdëucha p̄iju, maach khodnaan Jerusalemien athee mag pãachdëu phatkhon jur phietarr deen mamkhĩr. Amach d̄ipai ĩchab ěsap phãnaa deep̄iju. Ag gaai pãrau jaaup̄iju, m̄g chi phatkhon arr num khunan maachdëucha jur auwiata p̄i num khunau a khap amkhĩr. ⁴ M̄chdëu oowai m̄chjã am d̄i maju aai chirum khai, magan m̄chdëuta am phẽ arrju mag phatkhon deen.

Pablo Corintoog maju khĩrjutarr

⁵ Päär oon mamua Macedoniapien ee m̄ dichju. Ökhar mag phurdumamuata Corinto barju, pãar aar. ⁶ Tale pãar aig m̄ khãaidam khapanaa khãijã chiraimaju, pari agtha wajappai khaugba chirum.

Ichaau pamun, jāig pāar aig chirumua idēu mūch gaai nosej jaar dichpiju. Maimua ya dōchumie burrbaadeewaita mūch majuug mamkhīir, mag tale pārau mūrūg jap ee mūchdēu nemdam igju thumaa phēdeepūiju. ⁷ Mamū mūūgwaiwe chan mabam. Sīi pāar aig dichmapha chiraawai maach Pōr Jesuu khōs amun mūch ōdiwan pāar aig dūrrūū chiraimaju khīirju chirum. ⁸ Pari ya mūg phiesta Pentecostés burrju gayaa pamaawai ich mūig Efeso phōbōr ee chirumua warag phiesta dichpiju. ⁹ Maach Pōr Cristo iek jaau chitum gaaimua ōor khapankham khūūnau mū khōchkhaba thūnaab mamū, mua magumjā igba warag jaauju, mag maach Pōr athee phidkha nūmua i iek jaauju ayaa oo wai chiraawai. Magua pōd phiesta nawe chan mū mabam. Mua khaphū chirum, mag mua jaaubarm chi ūr nūm khūūnaujā sīi par jūgūpai ūrbaju.

¹⁰ Pāach aar Timoteo barimaawai i dūi wajapha abat, ichjā īchab pāach ee aairaa chiramkhīir. Magaag īchab ijā mūjō maach Pōr Cristo iek jaau nūm phidagta jaau khitaajem. ¹¹ Iwiram ābmuajā oob pārau i kha isēe amiet. Magju khāai irua nem igjudam thumaa irig deebapūit, onee urumua mū oon bēemkhīir. Būūrjā barchēba aawai tagam khūūn ermanonaan dūi í nū chirum.

¹² Maach ermano Apoloogjā par mua pepet chirūū ajim, warm khūūn dūi pāar oon mamkhīir. Pari magumjā maba, thūba sīsijim. Pari ōkhar ichdēu oowai maju ayaa abarm ed jam pāar aar i barju.

Pabloou Corintopienag salud deepūinaa am

wawitarr

¹³ Ābmiecha paawai pārag, “Pāach oomapha aajem khun dūijā khīr khaphanaa pāachdēu Cristo iek ūkha num gaaita ubu thierrkha nūisit” a chirum. Ag iek gaaita emkhooinkhanaa nem jua theeg abat. ¹⁴ Pāach eepai nem wauwaijā, thumaa dich khapeen kha khōsinaa am ūu apięta nem waubat.

¹⁵ Cristo gaaimua khodamnaa, Corintopien. Pārau khaphu num, maach ermano Estefanata jam pāar aar Acaya durr nacha ich chaain dūimua ich uupa mug maach peerduajem iek ūkhajim. Mag ūkhawia amach khīrauta agjō ar ewag ūkhamam khun juagjā oo nūisijim. ¹⁶ Muan pārag, “Jāgum wounaanau wa ijō Ēwandam iek gaai phidkha num khunau khāijā pāachig mag abaawai ag ipier-raa abat” a chirum. ¹⁷ Mu onee chirum, pāar bēeba num ee Estefanaauta Fortunato dūimua Acaicopa ūu mu oon bēetarr aawai. Pāachcha pōd bēebahab mamu, am pierrumua ūu pāachchata pier-rumjō abarm. ¹⁸ Ūu chadcha amau mu thāar onee apiwia pāarjā ich agjō onee apiju, deeu pāar aar bardutkhaimaawai. Jāgum wounaan chad pārau chadcha pāach garmuajā būurjā chig abata wai naaju aai num.

¹⁹ Mau Asia provincia ee iglesia nunaidam eem khunaujā pārag salud deepūi num. Aquilouu Priscila dūimua salud deepūi num, maimua am deg ermanonaan culto waujem khunaujā agjō salud aajem pārag, pāarjā maach Pōr Jesucristo dēnkha naawai. ²⁰ Tagam ermanonaanaujā agjō thumaam khunag salud aajem. Pāach āba bi-irduawai pāach khapeen dūi agdaujō kha khōsinaa

saludaabat.

²¹ M_{uch} Pab_{lo}ouchata p_ārag m_{ug} saluddam m_{uch} juadamaucha ph_ānaa deep_ūi chir_{am}.

²² Ābmua kh_āij_ā maach P_ōr Jesucristo kh_ōchkhaba sim khai, magan ichd_ēu khap chir_á Cristoou j_āga aju i d_ūi ich b_ēem ed.

Maach P_ōr Jesús, j_deeu pid_ú!

²³ P_āar k_ōit maach P_ōr Jesucristoog j_ēeu chir_{am}, ichd_ēuta p_āar d_ūi ogd_uba ich mag p_āar ūu wai n_{ur}ramkh_īir.

²⁴ P_āar thumaam kh_uun mua kh_ōsi chit_{am}, maach thum āba Jesucristo d_ēnkha th_unaawai.

M_ugdampai ajim p_ārag jaaum ig chirarr. Ayoo keena,

Pablo

Ēwandam Iek
New Testament in Woun Meu

copyright © 2011 Wycliffe Bible Translators, Inc.

Language: Woun Meu

Dialect: alternate spelling

Translation by: Wycliffe Bible Translators, Inc.

Woun Meu (alternate orthography)

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Woun Meu

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses,

lxxx

please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files
dated 29 Jan 2022

974f85ca-2196-54fa-aa19-a0078d3a03e9